

灤縣志

王人文題



四卷

地 130.53
42
:4
部 =

民 人				
戲劇	方言	金融	生活狀況	戶口
	謠諺	宗教 <small>寺觀 道院</small>	歲時	風俗習慣

灤縣志卷四

人民志

鷄犬相聞。炎黃苗裔。夷齊流風。廉隅砥礪。疇昔豐熾。士女丰昌。純澆奢儉。俯仰滄桑。釋老回耶。自由宗守。孔非宗教。生民未有。堯豎行歌。伶官奏曲。一隅方言。載考風俗。志人民第二。

(一) 戶口 見地理志

(二) 風俗習尚

編者按。諺曰百里不同風。記曰入國而問俗。風俗既殊。而習尚自異。亦山川區域之所限使然也。吾灤逼近故都。為畿東要塞。自元明清定鼎燕京。而幽薊之地。遂一變其鄙野舊習。而日趨於文明。雖近日爭以侈靡相尚。迥非昔日之樸厚可比。然伯夷叔齊所居之故鄉。頑廉懦立之遺風。猶未盡泯也。故分其職業。徵其禮俗。各著於篇。以備觀風問俗者之稽考焉。

灤縣志卷四 人民風俗習尚

灤境東南多水。西北多山。近山者仁。近水者智。灤居山水之間。宜秉冲和之氣。然山多戴石。無坡陀奧衍之形。水盡披沙。少隄岸潑洄之勢。民生其間。性情肖之。故貌多樸野。不修文飾。話近戇直。每少紆迴。舊志謂人物勁悍者此耳。古稱灤為夷齊桑梓之鄉。民易興起。則以其行有圭棧。礪廉恥而尚節義也。舊志近年則交通便利。世局翻新。田夫市儈。鄉曲佻達。一切棄舊趨新。大半染都市狡黠詭詐之習。而古風少替矣。以上人民性情

士金元以前。灤為邊地。尚才武。習戎馬。而聲教未被。以文學著者殆寡。明成祖定鼎燕京。徙民以實畿輔。右文治而左武功。灤俗乃文武並尚。多以科名起家。清代重道崇儒。敷文教。增學額。邑人遂彬彬然禮樂選矣。村各有塾。村童略讀兔園冊子。即改業去者固多。間有穎悟之才。克自振拔。騰達者亦不乏人。清乾隆嘉慶以前。士多拙於吟詠。然務經學。工制藝。至耄猶孜孜不倦。師道嚴而弟子就職。所學者專也。道咸以後。漸通詞賦。惟多依傍類書。文喜瀾祭。而根柢

之學弗尙焉。亦可觀士風之升降矣。此民國紀元前士風之概略也。頃年以來。縣立有初高中各學校。各編村普立初小學校。莘莘學子。日增月盛。而高材挾中人產者。類皆肄業於國立省立各學校。以蘄深造。其中富有產業者。或自備資斧。遨遊異國。爭先著鞭。視爲終南捷徑。國人則不問虛實。刮目相待。祝之曰。此輩海外歸來。或將有以利吾國乎。而曩年書生吟諷佔畢之習革矣。

農 縣境東界灤水。西繞沙河。其上游山水糾紛。夏秋之交。盛漲急湍。並歸兩河。少溢則害農田。清光緒九年之後。夏多苦雨。灤水尤洶湧。半改故道。自馬城迤東沃壤數十里。變爲平沙。

近年來。北自灤河鐵橋。南至巖山東麓。河道西遷。沿岸村莊田地盡付東流。近且逼近禦灤門矣。居

民昔殷富者。今多彫落。惟西自古治開平。南至稻地等村莊。厥土黃壤宜六穀。然地狹民稠。生者不敵其所食。轉資給於關東口外之糧。其膏腴又多係勦親圈地。輸租加丁糧數倍。民力拮据。以闔境田畝折準計之。田適爲下下。人窮則反本。是以男務耕耘。女勤紡織。恆終歲勤動。不敢自暇逸。通志稱節儉務農。良

灤縣志 卷四 人民風俗習尙

有以也。近年灤縣農村。益形彫落。旗產一項。始終病民。變地催科。急於星火。益以軍用徵發。操切彌甚。每見悍吏下鄉。勢如猛虎。足跡所至。叫囂隳突。譁焉而駭。鷄犬弗寧。小民輟饗殮以勞吏者。猶虞弗給。而困頓不堪矣。且人口繁密。生產不增。需要超過供給。衣食原料。動仰異方。男無餘粟。女無餘布。環境所趨。習尙漸易。勤儉之風殺。蓄積之念弱。長此不更。凋敝正未有艾也。

工 明初工匠有籍。今無矣。因民風樸素。不尙奇巧。其居肆者。攻金攻木而已。惟唐山多缸窑。能製陶器。罌甕盆盎之屬。皆具焉。然粗笨乏精細。其他日用所需。皆來自異方。舊志近年灤境工藝。較曩昔頗有進步。卽如唐山窑業。昔時僅製粗笨之缸器。近則兼製精細之瓷器。價值較外來者爲低廉。又如桑條筐籠。實裨農事。以上二者。除供本地需用外。且運輸各口岸矣。氈毯各業。手藝亦較前爲精進。是則灤縣工業界之起色也。

商 縣屬濱海。其利魚鹽。鹽法自清道光二十年後改歸官辦。典市肆者皆土

人考其課於州牧。鹽無商矣。魚則擅其利於濱海。大戶爲網鋪。資本巨萬。所息亦有豐歉。豐則謂之熟海。其餘河流淀港。蒲葦魚蝦之利。遠不逮也。行商作賈。惟糧客爲最盛。昔自遷安之建昌營。運口外之糧。由陸路委輸開平。以糶於西南郡縣之不足者也。至道光初年。始改由灤河用梭船運入溝之糧。委積於城內。以糶於四境之不足者也。而城南八社尤賴之。自咸豐年後。大莊河民船出海。自運關東之糧。接濟沿海一帶。糧價稍平。灤人習賈在本地者十之二三。赴關東者十之六七。瀋陽吉林黑龍江三省之地皆至焉。雖遠賈必歸。鮮流寓於外者。每歲獲資。以贍家口。是以賈補農之不足也。舊志民國以來。沿襲未改。屬以戰事頻仍。賈於外者漸少。邑民經濟受其影響矣。以上人民職業。

冠 冠爲古禮。晚世罕舉行者。故闕焉弗述。

婚 邑俗喜襁褓論婚。矜甚者乃必俟諸痘後。然未有過十歲不論婚者。雖貧窶小家。間有俟男女成立。始兩相訂媾。然十只一二。土俗乏專司媒妁之役者。

灤縣

志

卷四

人民風俗習尚

三

凡議婚。或男先女。或女先男。必煩親友執柯。事諧。則男家以釵釧一二事付媒。送女家。謂之定親禮。有舉媒酒禮。冰人觴兩家主婚者。以撮合之。有謝酒禮。男女兩家各置酒。以謝冰人。有過啟禮。男女用紅柬書攀親套語。伴以細彩首飾。鷄鴨茶酒之類。昇送女家。女家亦有答禮。謂之曰回啟。今則嫌其繁重。每男女定媾。祇互換庚帖而已。有會親禮。男家邀女家之主婚者。盛筵以酬酢之。冰人先在。主人飾其子行跪拜禮。謂之謝媾。鄉村謂此爲換鍾。言賓主酬酢。互飲其杯耳。有催妝禮。於婚嫁前一兩月。由男家選期。簽書男女行年。嫁娶日宜忌。置楹內。並以棗栗餅餌茶果酒米鷄鴨魚肉之類實之。送女家。然稱家之有無。亦多有不備物者。女家回以餅餌醬酪木炭之屬。取義鄙俚。無深意焉。及婚。州俗不親迎。謂之等親。預延男女戚眷。爲取親客。導以鼓吹。飾五彩肩輿。隨其後。率用辰巳午三時往迎女。女家亦請男婦偕來。謂之送親客。所備妝奩什器。俱隨新婦彩輿之後。至門。主人肅客入。卽闔其門。停彩輿於門側。少時鼓吹大作。爆

竹齊鳴。門開。用女僮二人出。新婦於彩輿。婦先以紅帕羃首。莫能平視。至是遞寶瓶於其手。瓶必雙。內實五穀金銀。使執之。鋪紅氍毹。兩女僮扶新婦行其上。復各執麵羅罩其頂。謂之罩紅沙。實卽絲羅意也。堂上設香案。爲天地神祇位。供以香燭酒筵。引新婦案前。立於右。婿拜於左。亦有男女齊拜者。稱爲拜天地。女僮扶新人入房。置寶瓶供於案。新人乃改妝。俗謂上頭堂前衆賓喧闐。爲主人拜賀。主人各答禮。肅客飲讌。以女家送親客爲上賓。讌畢。女家男女客必至新室相攸。主人另設几筵以饗客。客起辭。主人送客出。衆賓始散。昏具晚膳。有子孫饌。饌長壽麵等名。男女始合。香焉。鋪牀後。婢媪卽持燭去。俗以滅燭爲忌。故屏燭耳。新婦入房。安坐三日。謂之坐福。廟見後。始拜翁姑。上下以次接見。謂之拜三。第四日。女家並其媀黨具儀偕來。謂之作四日。午後迎女並婿歸。謂之回門。明日婿拜岳父母。以次畢。仍攜婦歸於家。亦有流連三四日始歸者。以上各禮俗。皆通行之。有稍異者。不過豐儉不齊而已。至郡志所稱。女索重聘。男責厚奩。

灤

縣

志

卷四

人民風俗習尚

四

云云。或有女家貧不能度。鬻婚以責厚資者。謂之財禮錢。如此甚寥寥。至男責厚奩。則無聞焉。多有男女及時。未及婚嫁。遽遭喪故。中饋乏人。變禮而娶。謂之孝婦。或因聘定之女。幼弱無依。竟不娶先歸。待年成禮。謂之童養媳。是皆非禮之禮。不以禮概之也可。灤俗重然諾。許婚後。雖未及行聘。或媒妁彫謝。恒及時嫁娶。從無悔婚者。邇來風少衰。清光緒元年。州人有以賴婚訟者。州牧唐公世祿。詰以婚書媒妁而無之。置之不理焉。後訪知州俗。時有并無婚書媒妁而結媀親者。公訝其草率。乃示曉諭。並頒行婚書格式。使民簡而易從。然積重難返也。

謹按班孟堅云。婚姻之禮廢。則夫婦之道苦。

見漢書禮樂志

斯言也。若犀照千載

下之流弊者。近世青年男女。誤解自由。未見幸福。徒罹弊害。或離婚而訟累。或失戀而自殺。固緣當事執迷。良以防閑盡潰。非禮無義。尙何論乎貞操。寡廉鮮耻。猶復文明自詡。未結婚而同居。甫結婚而離異。甚者停彼糟糠。另結新愛。違法律。悖道德。灤非通都。亦染斯習。如火燎原。不可嚮邇。回思班氏之言。暨有感。今政府提倡禮義廉恥之說。不禁廢書三歎也。

喪則親始死。稱家有無。務厚其衣衾。含斂畢。昇之於牀。焚冥鏹於盆。然燈

竈前。撫尸哀號。躡哭而奔詣五道廟。昏晝均以燭行。哭而來。復哭而返。凡三次。俱焚冥鏹。謂之報廟。男女成服後。親友始以信聞。謂之報喪。至二三日。親友畢至。始蓋棺。卽小斂也。及昏行送路禮。略具芻車紙人。稽馬等物。然燈於路。明於白晝。先用素帛。或紙裁縷而縛其本。如帚形。俗謂之拖魂樹。主者持之。親友護送。羣舁冥器。鼓吹至廟。居城則赴城隍廟。住鄉各赴五道廟。於神前焚楮畢。主者以拖魂樹繞地而祝。謂招魂也。另設位於廟側。主者奉樹安於位。供以酒茗果盒。以意爲亡者櫛沐畢。伏於側。親友以次叩拜。謂之餞行。餞訖。主者以袂藉樹。出至歧路。乃置芻車中。並冥器焚焉。泥首以謝送者。乃號哭返。自斂後。晝夜靈前。然燈。男婦昏旦哭臨。每飯必祭。過七日始掩柩。卽大斂也。其葬期或一月。或二三月。踰歲者恆少。此指富有之家。貧者死後三五日即葬矣。選擇時日。預邀親友。代喪家主事。呼爲總理。公司職事。謂之執客。以蘆蓆爲庭厦。陳設務極整齊。門內外備陳冥用之車馬僕隸。杯盞庫厨等物。象形惟肖。其側列竈爲厨。魚肉如林。珍錯充牣。庖人數十。刀砧

灤

縣

志

卷四

人民風俗習尚

五

聲聞於外。所費貲以千萬計。有竭財罄產以爲悅者。至受弔日。謂之開弔。懸旛於門左。主喪者荆杖梁冠。麻衣博袖。喪家男婦。及至戚。皆著白袍。親友各具博儀往弔。其迎客送客。引弔謝孝。讓蓆勸酒等禮節。皆倚執客爲僮相焉。稱爲落忙。稍侈者。又延僧道。唵經拜懺。簫管鈸鏡。相間爲梵樂。其聲哀怨。有多至三晝夜者。日中而祭。祭必有文。敷陳死者盛德。並子孫哀慕狀。凡三獻。於初獻後讀之。另延名諸生相禮爲贊引。謂之大祭。是日或前一日。爲木主供柩前。預聘耆紳題主。呼爲點主官。以肩輿鼓吹迎至。用吉禮。惟主喪者不變服。此後又有安主祭。加祭。發引之前一夕。又祭。謂之辭靈祭。喪家男婦。通夕伴靈。謂之坐夜。葬日。靈車旣駕。主喪者捧盆。卽焚冥鏹者也。執長旛招魂。哀泣望棺。倒引裂紅繒爲銘旌。金字大書亡者銜名年歲。在前先發。所用儀仗。稱其流品。雜以旛繖。五色交錯。凡飾葬之物。均執而隨之。喪家婦女。巾車哭送在後。沿路親友設几筵以祭。謂之路祭。至塋。懸棺而祭。乃焚冥資冥器於塋側。主者投冠杖衰麻於壙。鋪銘旌。

於棺上置食罐於棺前。乃窆焉。凡新塋則祀后土。延武職官主祭。既畢。率其卒伍。張弓挾矢。躍馬繞塋。三匝而去。有回靈祭。發引時。並載木主而往。至是謂之回靈。以肩輿奉主。仍用儀仗。鼓吹而歸。歸必有虞祭。謂之回靈祭。三日後。子孫詣冢。培土增高。略陳牲醴。必焚冥鏹。謂之圓墳。而葬事畢矣。

謹接近日風俗。多趨重喪禮。而不重婚禮。完婚者務求樽節。備禮而已。惟遇凶喪。往往矜侈鬪靡。至割產而不惜。其費半銷耗於酒食之間。均無當於哀戚。是不知禮之本也。清光緒中。州牧游公智開。禁革舊習。限以四盤五簋。士紳之家。皆陽奉陰違。畢竟狂瀾莫挽。語云。禮失則求諸野。每見民間喪葬。雖不必盡合古制。而質樸仍存。侈靡者當以爲鑑。

祭 祭吉禮也。喪則有奠無祭。灤俗自初喪迄虞祭。均謂之祭。非古也。夫祭必於廟。今有宗祠者。每歲以清明爲期。牲牢酒醴。品物庶饒。惟備。族長率幼輩以祭。此士大夫家則然。其平民無廟者。清明日皆祭於墓。各家培以土。掛紙錢於

灤

縣

志

卷四

人民風俗習尚

六

上。雖至貧賤。至日亦必隻鷄麥飯。跪拜於墓前。中元節復詣墓。薦以酒果。新喪則謂之瓜祭。又曰麻穀。言穀既新升。麻又早熟。薦新也。十月朔再祭於墓。焚冥衣。謂之送寒衣。歲終或正月二三日。焚楮帛於墓。除夕必祭其先於家。品物較他時爲豐備。蓋歲有四祭焉。士人值祖父母父母忌辰。則祭。農商家亦有知此禮者。

右爲舊俗。民國以來。祭禮仍前未改。婚喪間用新式。婚禮分結婚謁見二層。結婚時由雙方公推一人司儀。本地有望聲者一人証婚。復由雙方親長中。各推定一人主婚。雙方父母或保護人爲當然主婚。無父母或無保護人者。則由雙方親長中推定之。屆時與新郎新娘。介紹人

來賓。同入禮堂。由証婚人宣讀証婚書。新郎新娘蓋章。証婚人主婚人。以次蓋章。畢。新郎新娘相向立。互行三鞠躬禮。并交換戒指。復由証婚人致箴詞。主婚人致訓詞。來賓致賀詞。主婚人致謝詞。至是新郎新娘。向各參禮人答謝。行三鞠躬禮。當禮之開始告終。暨新郎新娘。互向行禮時。均奏樂。謁見禮卽於當日

舉行。不同舊禮之在婚娶翌日。或在三日廟見後也。謁見時。新郎新娘。向舅姑及外舅姑。并男女雙方尊長。各行三鞠躬禮。向平輩親戚。暨男女親戚全體。行相見禮。一鞠躬而禮畢矣。喪禮率沿舊制。較前稍異者。則爲黑紗與花圈也。男子左腕圍黑紗。女子胸際綴黑紗結。是爲新制。仿自歐西。伊考實際。用者無多。喪家男女仍著白袍。至花圈供奉靈座。則數見不鮮矣。

廟會 古者年豐人樂。禮有報賽。灤俗於每歲舉之。謂之廟會。其會各有定期。在城之會。城隍廟爲大。五月十三日。十月一日。皆有會。在鄉之會。寺爲大。社必有寺。凡在社內大小村莊。共奉一寺之香火。俗謂之風光。董事人謂之會首。寺會多在四五月間。如四月初八十八二十八等日。五月初五十三三十七等日。至期演雜劇。陳百貨。男女雜沓。執香花詣廟求福。煙燄漲天。鐘磬聲不絕。各村又飾兒童爲百戲。執戈揚盾。如儼狀。導以旛幢。肅以儀仗。鉦鼓喧闐。衣冠者一人。背黃袱而垂其兩端若綫。蓋神之畫像。並進香者姓名榜文也。後擁大纛。尾以

灤縣

志

卷四

人民風俗習尚

七

金鼓鈸鏡。播吹聒耳。挨村迂繞。跳舞謳歌。一一呈態畢。始詣廟鳴爆。讀榜化像。焚香。觀者蜂擁蟻簇。婦女登巢車以望。舉國若狂。左氏傳云。公如齊觀社。想卽其遺意也。一社之會。一日之間。如是者或十數迄。糜費無算。此外又有各村所自主之廟神。各有誕期。多荒謬不經。其村或遇誕日。演戲爲會。藉以申明條約。如縱鷄豚牛羊傷稼。及婦女兒童竊禾等類。大書禁止。違則有罰。強半富庶村莊。乃爾。亦不必按年舉行。間有因旱蝗雨滂。入廟祈禱。竟不至成災者。亦演劇以賽。無定期。舊志

謹按觀廟會之盛衰。知農村之榮枯。灤於平榆間爲重鎮。河北關東。有軍事行動。灤必受其害。年來兵燹迭遭。農村破產。一般鄉民救死不贍。報賽之舉。微特無其興致。亦實乏其財力。間有舉者。大異曩昔。從可知農村經

濟之衰落矣。

以上人民禮俗。

(三)生活狀況

編者按倉廩實而民知禮義。衣食足而民知榮辱。此謀國者必以厚生爲先務也。我灤素稱富庶之區。民國肇興。內闕迭起。賦稅苛重。供億浩繁。以致野無蓋藏。戶鮮儲蓄。民生凋敝盡矣。猶幸比歲田穀稍登。未遭荒歉。吾民得以未轉溝壑者。賴有此耳。關心民瘼者。其有以救濟之。

灤俗尙儉。民多衣布。布有兩種。棉線織者曰棉線布。洋紗織者曰洋線布。皆居民自製。舊志謂婦女少艷妝。皆衣布。多出自手織。女自勝衣後。卽課以紡績。稍長則學織。不尙繡工。比戶機聲軋軋。無飽食嬉戲者。此種美風。至今未泯。間有衣絲織品。或毛織品。則服務於機關。暨酬酢於慶弔者也。冠履亦尙質樸。夏戴草帽。尤以居民用蓆篾編者。俗呼涼帽。價最低廉。爲大宗。冬戴瓜皮帽。以布或緞製之。戴皮帽者無多。履多出自女工。購自市肆者十不二三。灤境氣候頗適。夏無酷暑。冬無祁寒。無皮衣者。被縣均可禦冬。故衣裘者率富家暨公務人員。普通鄉民則罕見云。

灤縣志

卷四

人民生活狀況

通鄉民則罕見云。

食 縣俗飲食最儉。冬夏皆飲水。非世家商賈無飲茶者。其食皆以粥。貧者粟不舂而碎之以煮。謂之破米粥。小康之家。思儉約者亦多效之。遇農作時。則易之以高粱米。煮半熟。冷水淘之。堅如石子。非此不下咽。謂之換飯。值令節乃豐其饌。下逮傭作。酒肉皆恣飲。無吝焉。性獨嗜酒。雖窮鄉僻壤。皆家藏酒。以備不時之需。遇親友過從。必酬酢以盡量爲敬。舊志。

謹按以上爲三十年前之狀況。近來鄉村飲食。一如往昔。惟城市則日趨侈靡。卽以飯館論。清光緒末年。縣城中尙無所謂飯館。近則多至十許處。酒席價最昂者。每桌須十七八元。生活程度高歟。抑由儉入奢歟。際此農村破產。民生產力薄弱時期。宜力崇儉素。以挽頹風云。

住 住屋覆茅覆瓦之外。有以灰土代瓦。而平其屋頂者曰土平房。居城市者多瓦房。居鄉村者多茅土房。均有牆有籬有院落。豬圈牛棚。錯落安置。弟兄分

家則異院。民多土著。人不雜處。故俗齊。舊志

行。灤縣水陸交通。尙屬便利。蓋緣北寧路由西入境。通過灤河河流。經城東直入南海。以故貿遷行旅。均不遲滯。陸行載重者。有鐵瓦車。俗曰大車。周輪附以鐵瓦

故名。供農事暨運輸商貨之用。有轎車。俗曰小車子。供行旅及慶弔應酬之用。近

車站處多土馬路。故有人力車脚踏車之往來。由縣城抵樂亭。有長途汽車。惟道途凹凸。祇能於春冬行駛。夏秋積潦。泥濘難行。現已修築馬路。此外有棚子車。卽鐵瓦車。上架席爲棚。內懸圍巾。用時則縛置車上。不用則解而懸之。農家多用以供慶弔之往來。車馬之外。旅行多騎驢者。一鞭得得。日可百里程云。特殊情狀二則

一灤民衣食向稱儉素。近攷鄉村舊風未改。惟城市暨沿路線礦區等處。每見有不士不農不工不商。行爲闊綽。舉動輕浮。夏葛冬裘。饜飫梁肉。叩其家世。本非富有。殆卽所謂游民。爲社會之蠹者歟。此種人雖不足以代表灤俗。實足以

灤縣志卷四 人民生活狀況

影響灤俗。夫游閒原於無業。無業率由失學。不能不賴教育實業二者以救濟之也。

二花會嗎啡海洛英。實爲灤縣社會病態之來源。花會昔亦有之。然多秘密行動。且在僻遠各村。近則流行於各地矣。染者傾家蕩產。頽志失節。無所不至。嗎啡海洛英爲毒化之利器。其爲害也。尤甚於鴉片。而嗜者甘之如飴。速其死亡。居恆則麻袋其衣服。破廟其住室。囚喪其面目。盜賊其行爲。遇冬寒轉死溝壑。雖國法所厲禁。猶數見而不鮮。此風不除。社會之病態莫由愈也。

(四)歲時

編者按。國家要政。首重授時。故戴記著月令之篇。毛詩載豳風之什。自帝堯欽命羲和。歷代法之。東作西成。垂之令典。近代北京歲華錄。帝京景物略各書。要皆本此。而紀四時之令序。誌一歲之初終。而郡縣志乘。亦悉倣此。而筆之於冊。良有以也。民國紀元。改用陽歷。冀東鄉間。猶沿用舊臘。習俗之入人深矣。

立春先一日。城內文武官員。迎春於東關。祀句芒神。禮畢迎神以歸。安神於縣署大門內。西向。立春時詣神行禮畢。鼓吹以鞭土牛。遂磔焉。俗謂之撻春。此歷代舊制也。民國不復舉行。

春以下月日均按夏歷便記舊俗也。

元旦日。食必水角。全境皆然。居鄉者各具衣冠。攜童穉。戚里互賀。俗曰拜年。城內多不舉行。除日家家詣墓行禮。焚紙錢。謂之上墳。十四五六日名元宵節。昔年城內。

灤縣志卷四 人民歲時

通衢張燈三夜。紫縛松枝作牌坊。其上滿懸燈火。高者城外可見。近年祇以街頭懸燈。間或聞爆竹聲。非復昔時之景象矣。鄉村多於是時作鞦韆戲。二十五日。俗曰老鼠會親。家家於黎明為黍飯以祭。而填倉之名以起。凡女之新嫁者。恆於前數日由母家搜米為團。持送女歸。意謂婿家倉廩。有為鼠所耗者。以此可填之使滿也。其愚誕可笑如此。

二月初二日。謂之龍抬頭日。言百蟲啟蟄也。以米豆粉為糊。油煎之而食。謂之煎蟲。蟲畏油也。婦女停鍼綫。懼穿龍頭。祝科第也。先期俗必迎女歸寧。謂之住春。月內桃杏無花。至清明始花。桃在杏後。農於是月種大麥小麥。較秋種者晚熟十餘日。接換花果樹木。凍解冰開。河鮮海鮮。相繼上市。

三月始聞雷聲。俗謂頭雷。計滿百日。河水即當盛漲。蠶子聞雷即出。灤俗以清明日為寒食節。傭作輟功。男女各詣其祖墓祭掃。

夏

四月初八日爲浴佛會。婦女入寺燒香。十八日祀天仙聖母。俗曰娘娘。二十八日祀藥王。各就其附近之廟寺舉行之。昔時視爲盛典。今則不盡然矣。凡女之新嫁者。必於月杪迎歸。俗謂躲端五。

五月繭絲鬻於市。初一日。比戶剪紅紙爲葫蘆形。徧貼戶牖。並插桃符於其上。俗傳可以避瘟。初五日。門窗插艾。飲雄黃酒。作角黍。戚友或相餽贈。傭作輟功。兒童率用碎繒。作小荷包。於初一日戴之。至是棄而投之河中。昔時端午節。各處廟會極盛。偏涼汀有小聖廟會。婦女游觀者俱以舟。釵光衫影。滉漾水中。沿岸則急管繁絃。俳優演劇。旁列市肆。其熱如蒸。幾不知何處爲清涼世界。惟松翠間。有傑閣參差。嵌於崖隙。卽偏涼虛閣也。好事者多於此行。厨置酒。歡呼爲樂。流連竟日始歸。凡廟會以是月偏涼汀爲最。近年端午節。四鄉或有開廟會者。偏涼汀小聖廟會。念餘年不開辦矣。六月早禾已含秀。冒暑鋤田。揮汗如雨。爲農夫最苦時期。治田略暇。始與家人嘗麥。麥於五月登場。至是始治麪食。俗

灤

縣

志

卷四

人民歲時

二

謂之過麥收。月之下旬。早糜卽有熟者。黍必交處暑始熟。田野陂陀之上。多童穉牧牛馬者。蓋是時草盛畜閒也。

秋

七月棉見朶。黍登場。農家必置酒食以餉傭作。謂之開鎌。初七日俗傳織女渡河。前清時代。女子設瓜果祀織女星以乞巧。今已不見。十五日爲中元節。祭祖墓。過處暑十日。新穀卽可登場。女之新嫁住母家者。率於是月送歸夫家。俗謂送六月。

八月禾稼登場。農家忙迫。初一日爲黍飯。以祀風神。祈簸揚得風力也。十五日爲中秋節。具酒食歡飲。備果品月餅賞月。比鄰攜酒相徵逐。每至夜分乃罷。想見昔年昇平景象。近則僅備食物而已。九月初九日。謂之重陽節。文人墨客。多攜酒登高。賦詩暢飲。以爲樂。十七日。俗傳爲財神聖誕日。商賈咸置酒食以慶祝。祭神必牛羊肉。無用豬肉者。田功始畢。農家散其傭作。醃菹藏蔬。以禦冬焉。

近年產花生之區。每延至十月初始散備作。

冬

十月初一日。為下元節。詣墓焚紙鏤冥衣。謂之送寒衣。是月多嫁娶。

十一月風霜凜冽。草木彫零。農乃作窟室。以桑條為筐筥。編葉為篋。為帚。老稚
篝燈。檢棉而去其梗。以為田家急務。即于茅索綯意也。按舊志農家劈糶碎硫
為火具。亦在是月。近今火柴通行。不復為此。富有之家。每於冬至日作餛飩為
食。取天開於子。混沌初分。人食之。可益聰明意。

十二月初八日。以六穀雜棗栗煮粥。曰臘八粥。二十三日。謂之過小年。凡女之
嫁者無新故。均於先期歸夫家。二十四日。俗傳是日竈神籍人功過。上聞於玉
皇大帝。先一夕於竈所為位。設醴焚香。以餚黏於竈口。謂膠之即不言人善惡
也。名曰祭竈。此禮至今猶存。田家粉糜黍蒸餅藏之。備正月間食用。親戚亦相
餽遺。各處俱掃室宇。糊窗壁。鄉村尚多糊門神春聯者。城中已不見。商賈一歲

灤縣志 卷四 人民歲時

所逋者。至是乃盡追之。呼益急。至除夕夜分始罷。除夕。人家通夜設燈燭。謂之
照窮耗。並有揭燈於竿。其光遠燭。謂之點天燈。男女通夜不寐。謂之守歲。布芝
麻糶於路。人往來其上。使有聲。謂之踏碎。親屬相為禮。謂之辭歲。於鷄鳴時乃
爇香燭。列鼎俎。供黍稷。實豆籩。以迓天神而虔祀焉。爆竹之聲。比戶相連不斷。
謂之接神。另布几筵。以祀祖先。然後詣各廟拈香。又有各就所居之方位。焚香
道左。謂之迎喜神。除夕守歲供神祀祖。鄉村大都依舊。城市則惟祀祖。間有供
神者。亦非昔時之景况。但聞爆竹幾聲而已。

以上參錄舊志。清學正左喬林海陽竹枝詞云。元宵花鼓嚮東東。土女歡

騰慶歲豐。點綴太平春。富貴滿城。火樹月燈紅。紅粉遊春。繡襦滿身。花影不
須扶。歸來笑問金錢卜。階下焚香拜紫姑。張燈作戲。調翻新。顧影徘徊。卻逼真。
環佩珊珊。蓮步穩。帳前活見李夫人。十二欄干。拂綠楊。長春淀裏。落鴛鴦。花港橋
杏花村。十里花中。都是酒旗飄。十二欄干。拂綠楊。長春淀裏。落鴛鴦。花港橋
誰家院。牆角風來。笑語香。南山北。墓田遙。好是清明酒。澆一徑。斜陽人散。後
柳香車。十里詠。關山。蔚藍天。斜掛蒲帆。還背秋霜。棹子。鎮馬頭。春風四
梨花冷。紙錢飄。三篙新水。蔚藍天。斜掛蒲帆。還背秋霜。棹子。鎮馬頭。春風四
月放紅蓮。舟車絡繹。接榆關。行李。恩。日。往。還。背。秋。霜。棹。子。鎮。馬。頭。春。風。四
兒山。家婦織。佐夫耕。不待西風。絡緯鳴。深巷。鴛鴦。機聲。軋。木。棉。枝。上。月。三。更。鯉

魚風信自關來重九樽筵處處開臂繫菜英頭插菊登高齊架漢皇臺自註云
花港橋在城南蓮臺東長春淀在城西南灤志女子春日多架鞦韆戲七哥山
親迎者少花港在城居者多產七男七姐在城西南杏兒山在城西北麻灣菱角山在城西
南村名漢武臺在此城西南棗子鎮在城西南杏兒山在城西北麻灣菱角山在城西
西唐太宗征遼次此城西南棗子鎮在城西南杏兒山在城西北麻灣菱角山在城西
邑人朱赫南榛子鎮新年竹枝詞云梅花多桃蔕移接仙根卻相邀武陵酒樂多情何
製冰綃帳莫遣風姨試剪刀嘗橘柚阿姨笑玉郎偶步西南喚卿略東曉妝相偕
魚膾蝦羹未足多春酒休醉被阿姨笑玉郎偶步西南喚卿略東曉妝相偕
今日拜爺娘淺斟春酒休醉被阿姨笑玉郎偶步西南喚卿略東曉妝相偕
噪兒有童綵絲郎來比巷聲蝶高唱紫條梨晚風一肩挑到小樓西棗栗絳蠟輝未
齊更屠蘇除夜酒小年爭似大年肥春前以黍禾麩為饌吹去鄰家以此餅餌香最是
飲忙改歲饌早巳熟黃梁一立春前以黍禾麩為饌吹去鄰家以此餅餌香最是
農忙改歲饌早巳熟黃梁一立春前以黍禾麩為饌吹去鄰家以此餅餌香最是
光焚尾物華更擔盒人拜祖是阿娘問今年春氣早饌錢兩風暖似清明後雙鬢碎
步午階初物華更擔盒人拜祖是阿娘問今年春氣早饌錢兩風暖似清明後雙鬢碎
互相餽遺而母語窗前翠人舒道無來除夕作小席輝以蘆席棚蓮臺漏下聲過三衣
冠肅拜迎神候遙聽家家爆竹聲又白叟燒香至六日自除夜香一柱所
山莊冷廟翻成熱鬧場去童又白叟燒香至六日自除夜香一柱所
謂五道廟者燒香至初五日相識也開笑口拜街頭賀節者多熬料香
煙浮刺印紅箋數十家投觀面路遇不相識者亦躬身拜賀朝餐水角醉春醅
一支刺印紅箋數十家投觀面路遇不相識者亦躬身拜賀朝餐水角醉春醅
一到處逢迎笑口開如香含閉門不讓一氣逼來旦後叩門多應以不
桃符逢迎笑口開如香含閉門不讓一氣逼來旦後叩門多應以不

灤縣志卷四 人民歲時

隨云不讓吃茶了家立松除已過歲增遙指纖纖月一棧偏是山家饒夜景青
松高處又然燈一家立松除已過歲增遙指纖纖月一棧偏是山家饒夜景青
暖入新年家家添得看花福碧玉盆中供水仙五演戲院落戲村姑蹴鞠兒童沽
酒奴何事二分無賴月偏從博局照呼盧一十春月夜深侵透鳳頭鞋一花燈
姑借伴踏香街火樹散最爲惡習立久不童知五月擢雙蛾髻壓雲鬢袂曳羅檀
夕借伴踏香街火樹散最爲惡習立久不童知五月擢雙蛾髻壓雲鬢袂曳羅檀
輕敲開素口秧歌唱罷又蓮歌俗以童子新譜演梨園以脂粉唱歌謂之秧歌又
扮探蓮船諸戲一唱鐵板銅琶舊調翻寬裳新譜演梨園以脂粉唱歌謂之秧歌又
歌聲樂元

謹按右錄詩詞想見時代承平四民安居樂業氣象我生不辰頻年喪亂
回首前塵杳如天上矣

(五)金融

編者按近年灤縣市面金融異常緊迫。推厥主因。半由屢遭兵燹。地方損失過鉅。年復一年。馴至破產。半由民風侈靡。儲蓄性日見減殺。生產力弱。消費力強。日常所需。多舶來品。金錢外溢。無術挽回。有此二因。邑民經濟奇窘。富歲已難維持生計。一遇凶歲。則告貸無門。拮据萬狀。挽救之方。談何容易。必也生聚食寡。為疾用舒。準生財之原則。開源節流。休養生息。期之數年。國家無戰爭之擾。人民返勤儉之風。庶地方元氣漸復。農村事業復興。周轉靈活。貿易無滯。經濟既不恐慌。金融自不緊迫矣。

制錢 灤縣市面制錢早已絕迹。以其用法特殊。故按舊志所載。節錄梗概。庶留心幣制者。知灤縣貨幣史上。有此一段特殊之錢法也。其法以一當六。每錢二文作一十。若三文則作二十。若五文則作三十。若六文則作四十。若八文則作五十。若十文則作六十矣。故云以一當六也。至十二文則作七十。至十三文

灤縣

志

卷四

人民金融

一四

則作八十。至十五文則作九十。至十六文便作一百。每十字皆讀若成。蓋轉音也。既以十六文為一百矣。則每錢二百。計數當三十二文。而灤錢乃以三十三文為二百。既以三十三文為二百。至四百其實數當六十六文。而灤錢乃以六十五文作四百。此誠理之不可解者。每錢二千為一串。每串之內。必如六十五文者凡四。如三十三文者凡二。分三節。下兩節左右各六十五文。上一節左右各三十三文。此昔時縣城市面所通行者。亦莫詳其錢法所自始。俗傳唐代征高麗時。刻扣軍糧所致。理或然歟。不可考矣。以上參錄舊志

現銀 曩年灤縣市面所流通者為松江銀塊。用時不加色。至五兩錠子銀。暨十兩或五十兩寶銀。則另議加色。清光緒二十六年時。每兩僅換灤錢六吊。上下嗣以銅圓入境。銀價漸漲。至光緒三十年時。每兩可換灤錢十二吊有奇。民國以來。銀圓暢行。則不復用現銀矣。

銅圓 清光緒二十八年時。銅圓流入灤境。至光緒二十九年。市面暢行。當制

錢十枚者居多數。當二十枚者無多。俗謂大銅子。尙有當五枚二枚一枚之小銅圓。爲交易時找零之用。近年通用者。則惟當二十枚之大銅圓。餘則絕無而僅有矣。

紙幣 有清季世。灤縣商號。發行紙幣者頗多。俗呼錢帖。其額面則爲灤錢十吊。或二十吊不等。當時如開平慶豐錢帖。最爲鄉民信用。至光緒末年。市面上即不多見。嗣以中交兩

銀行鈔票。通行灤市。而昔日之錢帖。遂絕迹矣。公家亦取締商家私出紙幣。整飭幣制。

銀圓 清光緒十七八年時。銀圓入我灤境。每圓僅換灤錢四吊。後改用銀圓。

銀圓價格暴漲。光緒二十八年時。可換灤錢八吊。近年銅圓充斥。銀圓價愈昂。

貴。每圓可換當十銅圓六百枚。合灤錢三十吊。有奇。灤市通用之銀圓有數種。

最初所用多老鷹。墨西哥造。曰北洋造。曰造幣廠造。曰北洋機器局。曰大清銀幣。曰

站人洋圓。曰中華民國新幣。以上均稱正牌。至一角二角之小洋。及雜牌大洋。灤習以奉天吉

林湖北各省所鑄者爲雜牌。灤市已不多見。偶有用者。則當八扣。

(六) 宗教

編者按。宗教者。以神道設教。立誠約。訂信條。令教徒崇奉信仰。冀以宏廣其流傳者也。吾國對於宗教。予人民以信仰之自由。向不施以命令或禁止。良以各類宗教。大致不外導人爲善。本其善而信守之。初無妨於國情民俗也。回教又稱天方教。自隋代入中國。大旨重清潔。耐勤苦。氣類特殊。其族居灤境者。世代遵守其教。不外傳。乏興衰之可述。釋道二教。流傳最古。教旨純駁。早有定論。惟在灤之教徒。尠能發揮真諦。或至不守教規。致失人民信仰。奚怪今日之式微也哉。天主耶穌。後先傳入境內。近且立有學校醫院。入境之始。鄉民不悉底蘊。向背不一。向者或不審其所以可信。背者肆口譏誚。多失其平。庚子拳匪亂後。民教相安。而教務日盛。茲就各教在灤之近況。略述如左。

回教 回民在灤境者。約三百餘戶。二千餘口。分駐縣城古冶殷各莊。夏莊開

平唐山等處。凡住在之處。均有清真寺。建於清乾隆初年。寺內聘有教長。司講經婚喪儀注等事。附設阿拉伯文學校。回民職業。各界均有。工商爲多。清代有入文武庠者。近有畢業於各學校者。其禮俗每歲守齋一月。每日禮拜五時。飲食尙清潔。頗講衛生云。

釋教 灤境佛寺雖多。惟無高僧卓錫。據金石可考者。廣福寺。在南關蓮臺寺。在城南

南三十里延慶寺。在城南鎮等均建自唐時。則釋教入境。年代自可想見。今寺院多改建學校。香火地率改充學款。浮屠子弟。全境僅二十餘人。其平居功課。晨昏奉

香誦經。以時四出化緣。喪家有延作佛事者。

附寺觀

廣福寺。在南關東。唐時建。今廢。

石佛寺。一在偏涼汀。明景泰三年建。已半就頽廢。一在白道子莊。清康熙四十年重修。一在司家營。明萬曆十四年建。原有香火地一頃三十七畝。

今寺內設有初級小學校。一在王盼莊內。有石佛四尊。泰安十八年建。原有香火地一頃三十畝。參錄舊志。

南法寶寺。在法寶莊。明萬曆十二年建。原有香火地。一頃二十七畝。今寺內設有初級小學校。

邑人辭富春重修法寶寺碑記云。蓋聞經傳貝葉。法門高。清淨之風。座湧蓮花。寶地現莊嚴之象。以故園稱歡喜。永駐法輪。教闡浮提。常然寶燭。法雲慧日。覆萬類。以被羣生。寶筏金繩。渡迷津。而開覺路。此所以表神功於法界。明德以薦馨香。建佛宇於寶壇。盛服如左。右也。州城南。有法寶寺者。東環灤水。北對巖山。南連邱壑。畫永丈室。春深滿山。散楊柳。和風隔院。過香花。微雨清簾。與疎籬。如登方丈。當禪宜。白雲共。黃葉齊。飛光亦好。撫廟前。古柏不知。幾歷冬。寒看嶺。上梅花。又是半。含春意。領四時。之佳趣。閒觀。月上。松間。悟三昧。之真傳。常見。舟行。畫裏。洵屬禪。殿又增。其式廓。至我朝。雖屢經。補築。不難。除舊。而更新。乃多。歷年。迄於。正德。年間。寶壁。壞。惟是。址基。既立。必將。興之。縱然。屋宇。難除。而更。新。乃多。歷年。迄於。正德。年間。寶舉。好施。之。址基。既立。必將。興之。縱然。屋宇。難除。而更。新。乃多。歷年。迄於。正德。年間。寶造。之。維艱。殿址。第由。夫舊。仰神。靈之。有赫。堂基。聿啓。其新。雖少。輦飛。鳥革。之。華。差同。鹿苑。鷄園。之。勝。仰瞻。法宇。棟樑。生之。輪奐。之。光。翹企。寶幢。庭院。壯輝。煌。之。色。因樂善。而。忘。倦。自。相。與。以。有。成。所。願。經。以。彰。此。善。云。爾。清。光。緒。八。年。秋。七。月。坊。爰。記。其。事。以。表。厥。功。亦。勒。諸。珉。以。彰。此。善。云。爾。清。光。緒。八。年。秋。七。月。

大雲寺。在古馬莊。清康熙十一年建。

慶壽寺。在周家官寨。明萬曆間建。

道院寺。在榆子林莊。清康熙二十七年建。民國元年重修。原有香火地六十二畝。今寺內設初級小學校。

灤縣志 卷四 人民宗教寺觀

興龍寺。一在高各莊。明正德二年重修。一在永登屯。緹家莊。

興隆寺。一在豐腴屯。前龍塘。原有香火地八十畝。一在永豐社。李家寺。原有香火地一頃。

青龍寺。一在黃家河。清康熙二十二年重修。一在佛住山。北明萬曆八年建。

雲居寺。一在齊家寺。莊金大定年。建。一在永登社。蟲兒林。莊原有香火地三畝。

龍泉寺。一在王家塚。明崇正十一年重修。一在豐腴屯。社李莊。連曹神廟。原共家過道。原有香火地一頃。一在王。一社。趙家莊。原有香火地一頃。一在曹口。社。劉在花港。社。南陽莊。清雍正元年。重修。原有香火地一頃。五。十。畝。今。設。初。級。小。學。校。一。級。小。學。校。一。在。開。平。鎮。康。各。莊。明。成。化。年。間。建。一。在。僥。城。鎮。壯。里。莊。參。錄。舊。志。

福盛寺。在馬谷。塘。今廢。

福勝寺。一在司二社。蘭坨莊。原有香火地一頃。七十畝。一在李家莊。社。程家莊。原有香火地九十六畝。一在杜家土兒莊。原有香火地四十八畝。一在李家莊。社。程家莊。原有

臥如寺。一在曾家灣。清嘉慶七年重修。一在姚莊。社。解。遼太康七年。臥如寺。碑記云。大遼義豐縣。榆子林。西堡。會家灣。臥如院。都維社。李

守民。武清縣。南張村。講經業。論沙門。行闡撰書。伏以金容。珍影。權方。終于。天竺。王

傷流芳適者獲不支而淨自明帝之夢神人泊摩騰之賚運梵筭海諦信者航福無生而超
三來尚矣伏雜今皇帝璿衡御極玉斗乘時程正文選入穀西英恤孤產頌而輸誠南
禮樂交舉車書混同行大聖之遺風鍾興宗之正體東韓西夏貢土產頌而輸誠南
宋北遼交星輶而繼好位符十號人而契已然則集盛緣斯院也資於勝因福壤精藍
武邊方無烽燧之虞百代之間一化而謀可西鄰種玉之鄉東府清寧郡閭閻之
年特恢於善果所謂正覺南臨巨海北覘連峯西鄰種玉之鄉東府清寧郡閭閻之
綺合道太康辛酉之歲以投誠千人之邑肇從昔構迄至今弟成守民等特營淨
關法席瓦朱餘夏度木也取豫章之良擇力鳩之以魯般之功妙斧揮風筌繩爨燧
輝空縹瓦朱餘夏度木也取豫章之良擇力鳩之以魯般之功妙斧揮風筌繩爨燧
壁降生說法之相左龕降魔入滅之儀圖其為也十王備熾盛之九曜也經營有
樂靈蹤聖概不可殫記但行闡發才非敏銳辭難贊揚之頌謹託而弗覺皇西滅像澤
揚濫隨部伍竭伸庸鄙之情虔發諦誠聊述贊揚之頌謹託而弗覺皇西滅像澤
東傳身化百億威震大千應現不測微妙難詮爰有清信能興秘金編沈檀香利馥
樹福田訪奇探異極巧窮妍經營有漸輪奐增鮮殿安寶相廊秘金編沈檀香利馥
鐘梵聲聯信解神功不朽億萬斯年
非墜永世彌堅神功不朽億萬斯年

建福寺 一在大孟莊明萬曆二年建一在范家莊
清乾隆二十年重修原有香火地一頃
普德寺 在興慶社田家莊廟峰山下清康熙
五十五年建原有香火地三十畝

灤縣志 卷四 人民宗教寺觀

聖雲寺 在宜安社趙家莊南明正德十年建清
嘉慶十五年重修原有香火地四十畝

永寧寺 一在麥家坨明萬曆二年建一在黃家
疇社李興莊原有香火地六十八畝

花陰寺 在古冶北明
永樂七年建

寶塔寺 在朱君寨明
永樂八年建

崇興寺 一在崇道屯石各莊明天啓七年建原有香火地十六畝
馮家狗兒莊原有香火地一畝
一在姚莊社張家橫坨莊原有香火地一頃二畝

壽興寺 在紀各莊清
康熙十年修

壽聖寺 一在北柳河社西紀各莊原有香火地
七十二畝一在僑城鎮元至正年建

延福寺 一在康莊社羅各莊原有香火地五十三畝
一在康莊社羅各莊原有香火地五十三畝

聖泉寺 一在康各莊明嘉靖九年重修原有香火地六十
畝一在曹口社黃家莊原有香火地四十三畝

龍盤寺 在偏山社明嘉
靖三十七年修

興唐寺 在禮尚莊清嘉
慶十五年重修

勝嚴寺。一在城南五十里于家泊元至順年。一在長春社小長春莊。

魏峰山壽峰寺。在城西四十里。寺舊有碑。係明萬曆年王姓重修。今已廢。

靈陽寺。一在城南六十里周家坨。明天順年。一在王二社李家寺莊。原有香火地八十三畝。

永壽寺。一在城西五十里。明成化年。一在梅二社相公莊。原有香火地八十三畝。

永慶寺。一在城西五十里。明天順年。一在風春社薛各莊。原有香火地十畝。一在小集莊。原有香火地三十畝。一在松亮社。任各莊連三官廟。藥王廟。原共有香火地十三段。七十三畝四分。

草堂寺。在城西六十里。

宋家莊寺。在城南六十里。明天順年。重建。

廣延寺。在城西七十里。大赤隘莊。寺中原有香火地二頃。松今止。一松皆數百年。物原有香火地八頃。西南。

華麻寺。在錢家營鎮東羅各莊。一在城西南。原有香火地八頃。

大覺寺。在城西七十里。元至正年。重建。

隆院寺。在城西七十里。卑家。遼時。乾統年。建。

灤縣志 卷四 人民宗教寺觀

西套里寺。在城西七十里。遼壽隆年。建。

永安寺。在甸子大寨內。設初級小學校。

延古寺。在城西七十里。

清涼寺。在榛子鎮。明洪武年。建。

花港寺。在城西八十里。明永樂年。建。

福聖寺。在藍坨莊西內。設小學。校舊志作藍坨寺。

甄窩淀寺。在城西八里。明洪武年。建。

橫坨寺。在城西八十里。明天順年。建。

鴻鳴兒林寺。在城西八十里。明永樂年。建。

盧家莊寺。在城南八十里。明正統年。重建。

相公寺。在城西八十里。元時。建。

洪濟寺。一在城西八十里。金時。建。一在柏二社。一在柏一社。丁家莊。原有香火地一頃。今廢。

風山寺

在遼西八十里

興福寺

在遼西八十里
勅建今設小學
金大定年

白雲寺

在遼西九十里

洪覺寺

在遼西九十里
家河莊金大定年
蕭建

臨水院寺

在遼西九十里
里金太北九十年
建

坨里寺

在遼西九十里

香花峪寺

在遼西九十年
里明永樂九年
建

龍盤院寺

在遼西九十年
里明永樂九年
建

觀音寺

在遼西九十年
清光緒三十年
營鎮贊公莊
重修

青蛇寺

在遼西九十年

白寺口寺

在遼西九十年

曾家灣寺

在遼西九十年
百在城西南
唐時建

水灣寺

在遼西九十年
里金大定一年
建

望海寺

在遼西九十年
一在柏二社
劉家崔各莊
原有香火地
三十畝一

海眼寺

在遼西九十年
八畝又煖泉莊
原有香火地
三十畝今寺
內設立小學校
莊原有香火
地改歸

學款

通音寺

在遼西九十年
原有香火地
八十二畝

杜覺寺

在遼西九十年
原有香火地
九家莊

庵房寺

在遼西九十年
原有香火地
八家溝

接佛寺

在遼西九十年
原有香火地
七家莊

凝國寺

在遼西九十年
原有香火地
十橋頭營
廢原有

增盛寺

在遼西九十年
原有香火地
一社宜安莊
原有

隆聖寺

在遼西九十年
原有香火地
十社鐵匠莊
原有初級
小學地三

眼壽寺

在遼西九十年
原有香火地
十社鐵匠莊
原有

雙泉寺。在偏山東趙家莊西趙家莊連龍。

禪林寺。有在梅一社三連里莊原。

香花寺。畝一在嘉佑屯莊原。有香火地十六畝。

普濟寺。原在西衛社三百戶連關帝廟。

智慧寺。原在獨二社青坨莊。

朝陽寺。八畝。一在西衛社下尤各莊。原有香火地九畝。十

黃瞳寺。在悼本社艾家園莊。原有

大寺。在廣益屯寺上莊。原有

慶壽寺。在富聚屯。

護國寺。在柳河。

寶峪寺。在康莊屯。

望海金山寺。在城南三里莊北。昔唐時三藏法師修行寺內。

灤縣志 卷四 人民宗教寺觀

翠花山寺。在城西南翠花山上。

姜寺。設有初級小學。

瑤臺寺。在龍灣。今廢。

雙塔寺。在東缸。

古冶北寺。今設小學校。

以上寺 舊志參錄

白衣庵。在白玉山。明天啓二年。康熙十年。建乾隆十九年。重修。今已半就頽殘。一

在崇本屯。高家泡。原有香火地二十畝。一在梅一橋頭社。王禾莊。原有香火地三十畝。一

火地五十畝。一在孩古社。趙各莊。原有香火地二十畝。一在花港社。董各莊。原有香火地

火地十畝。一在黃家疇社。趙各莊。原有香火地二十畝。一在謝港社。董各莊。原有香火地

十畝。一在永登社。石家莊。原有香火地二十畝。一在獨家莊。原有香火地二十畝。一在吳家

地十畝。一在前在稻地鎮。今廢。

地十畝。一在前在稻地鎮。今廢。

觀音庵。一在東月城內清順治十三年重修。今廢。一在松林莊。清乾隆三十年。一在柳河莊。原有香火地五十畝。一在王輦莊。香火地十八畝。一在衛社。青坨營。原有香火地四十畝。一在官一社。姚家莊。原有香火地三十畝。一在南衛社。朱家莊。一在稻地鎮。一在王店子鎮。馮家狗兒莊。內設初級小學校。一在第八區。朱家莊。一

西方庵。在城西南山下。明崇正五年。建。今改建初級小學校。

天通庵。在扒齒港。清康熙丁巳年重修。連娘廟。原有香火地八十畝。

永壽庵。在榮各莊。內設初級小學校。

龍泉庵。一在豐野屯。范家莊。連建佛寺。原共有香火地二十畝。一在八里莊。明萬歷二十五年重修。一在大豐穀莊。清道光年間重修。

棲雲庵。在坨子頭。明嘉靖二十九年。建。

勝泉庵。在高平屯。王家莊。拐頭山。明萬歷二十五年。建。原有香火地三十畝。

朝陽庵。一在倉官營。明萬歷四十四年。建。一在柏二社。王家崔各莊。原有香火地八十三畝。一在西衛社。任信屯。原有香火地三十二畝。一在北柳河社。小王莊。原有香火地十畝。一在孩古社。范家莊。原有香火地一頃四十九畝。一在曹口社。大官莊。原有香火地二十畝。一在張家大里莊。原有香火地一頃二十九畝。一在永登社。水坑莊。原有香火地二十畝。一在賀家莊。原有香火地四十畝。一在大富各莊。原有香火地十畝。

彌陀庵。一在城西南八十里。明嘉靖年。建。一在土兒社。麻地莊。連三官廟。原共有香火地九十畝。

阜平庵。一在城南九十里。生理莊。明嘉靖年。建。一在獨二社。公案橋。原有香火地五十三畝。

慈悲廣嗣庵。即清華庵。在東城門內路北。已廢。

萬福庵。一在廣益屯。卑家店。原有香火地一頃二十八畝。一在風淳社。沙溝子莊。原有香火地二十八畝。

重興庵。在豐腴屯。汪家莊。原有香火地三十畝。

清靜庵。一在南衛社。梁家營。原有香火地四十三畝。一在橋頭社。新莊兒。原有香火地十六畝。

龍鳳庵。在普利屯。西城子莊。連藥王廟。原有香火地八十畝。

地藏庵。一在平原屯。後殿各莊。原有香火地三十畝。一在鄭家莊。原有香火地二十五畝。一在橋頭社。西大福坨。原有香火地三十畝。

延福庵。在司火社。蘭坨莊。原有香火地十二畝。

永甯庵。在永登社。余家莊。原有香火地三十三畝。

佛庵。在姚莊。西六莊。連觀音庵。原有香火地十四畝。

興隆庵。一在司二社崔家鴻鴨林原有香火地四十畝。一在黃家疇社趙各莊原有香火地四十畝。一在嘉正屯梁各莊原有香火地九畝。

福勝庵。有香火地九畝。

永興庵。一在司二社徐家莊原有香火地三十畝。一在加佑社小菜園莊原有香火地二十九畝。一在餘莊屯吳家莊原有香火地二十七畝。

望雲庵。有香火地十畝。

賢壽庵。有香火地三十畝。

普濟庵。廟在赤口社小水坡連關帝廟原有香火地十三畝。

萬善庵。帝廟在柳河社柳河莊連萬行庵元極樂庵。火在古冶鎮二畝。

青龍庵。原在王社升家橋連關帝廟原有香火地一頃五十畝。

望海庵。有香火地十五畝。

淨慾庵。一在二城甲莊原有香火地三十四畝。

灤

縣

志

卷四

人民宗教寺觀

淨玉庵。有香火地三十五畝。

海陽庵。原在柏香社守鹽莊原有香火地八畝。

興福庵。原在柏香社丁家莊原有香火地二畝。

復興庵。有香火地二十畝。

福壽庵。原在北柳河社高各莊原有香火地五畝。

毘盧庵。原在偏香山社魯家莊原有香火地四畝。

平陽庵。原在偏香山社五嶺莊原有香火地三畝。

清平庵。殿在長港社上郭家莊連總聖祠三元殿有香火地三十畝。

永泉庵。有香火地十五畝。

延壽庵。一在長春橋頭社稅務莊原有香火地二十四畝。一在孩古社林西莊原有香火地十畝。

靜業庵。有香火地九畝。

祥光庵。原在橋頭社安機寨原有香火地八畝。

善慶庵。原有橋頭社地六畝。王家河。

常興庵。一在餘莊屯曹家口。原有香火地二十四畝。

永樂庵。廟在嘉佑屯建州營。連關帝廟。原有香火地數畝。

吉祥庵。原有長春社范家莊。十畝。

三教庵。有長春社魯家莊。三畝。

常明庵。地在橋頭社劉家屯。原有香火地三十一畝。

流水庵。在姚莊社。

三清庵。在姚莊社。

甘泉庵。在鎮。

萬壽庵。在柏二社。

峰山庵。在偏山社。

芙蓉庵。在東缸窰。

甘露庵。在東缸窰。

水月庵。杜林莊內。設初級小學校。

永喜庵。織在女寨。

福盛庵。在王店子鎮。王家六虎頭莊。

崇興庵。在第八區。

以上庵。參錄舊志。

增福廟。一在城內東北隅。南向。舊為庵。後經重修。稱增福廟。一在凝社前。染各莊。原有香火地三十畝。

按增福記。魏曲梁令李詭祖。令家世本淄川人。文帝時。任曲令。殛狐妖。塞橫水。邑人德之。為立祠。厥後屢顯靈異。唐封增福相公。元封福善平施公。明嘉靖中。毀。淫祀。議及公廟。尋稽功德。存之。今俗以九月十七日為神生日。祭以少牢。不用豕。豈亦祠山張大帝。避食豨之類耶。是又不得其說矣。

真武廟。一在城內北街。二邑人高第。又建於西北。城均廢。一在義豐社。東缸窰莊。一在香地。四橋莊。連關帝廟。原在孩古社。東北。無水莊。原在姚莊。社。大姚各

張獨莊畝。一在松亮社。雙橋莊。連關帝廟。原在孩古社。東北。無水莊。原在姚莊。社。大姚各。張家坎。原有香火地。二十畝。一在柏二社。薛各莊。原有香火地。十畝。一在橫山營。二

十里馬城鎮一在城西莊一百二十里常各莊
一在錢家營鎮後打弓莊一在稻地鎮
按此乃元武七宿成飛初避太祖小字改稱真武圖志則云神為淨樂王太子修煉武當山功成昇上命鎮北方被髮跣足用皂纛元旗事無稽矣

二官廟 一在城西南暗牛
地十八畝一在富聚社周家壩各莊連增福廟原共十三畝一在張家狼窠一在香火

一在興慶社甸連關帝廟原共有香火地十一畝一在梅一在普利屯邱家營原香火地一
下有五嶺原香火地十畝一在柏康莊各河莊有香火地四十二畝一在長慶社佛口連二仙觀原
莊有香火地三畝一在永登社各莊有香火地一畝一在康莊各河莊有香火地四十二畝一在長慶社佛口連二仙觀原
火地一畝餘畝一在永登社各莊有香火地一畝一在康莊各河莊有香火地四十二畝一在長慶社佛口連二仙觀原
家鴻香林原十二畝一在永登社各莊有香火地一畝一在康莊各河莊有香火地四十二畝一在長慶社佛口連二仙觀原
原香火地四分一在永登社各莊有香火地一畝一在康莊各河莊有香火地四十二畝一在長慶社佛口連二仙觀原
七各莊原有四分一在永登社各莊有香火地一畝一在康莊各河莊有香火地四十二畝一在長慶社佛口連二仙觀原
郭家嶺坨有香火地五十二畝一在永登社各莊有香火地一畝一在康莊各河莊有香火地四十二畝一在長慶社佛口連二仙觀原
立莊原有香火地五十二畝一在永登社各莊有香火地一畝一在康莊各河莊有香火地四十二畝一在長慶社佛口連二仙觀原
在宜安社李家莊有香火地五十二畝一在永登社各莊有香火地一畝一在康莊各河莊有香火地四十二畝一在長慶社佛口連二仙觀原
賈家莊原有香火地五十二畝一在永登社各莊有香火地一畝一在康莊各河莊有香火地四十二畝一在長慶社佛口連二仙觀原
地十八畝一在富聚社周家壩各莊連增福廟原共十三畝一在張家狼窠一在香火
八十八畝一在富聚社周家壩各莊連增福廟原共十三畝一在張家狼窠一在香火

灤縣志 卷四 人民宗教寺觀

十八畝一在馬家峪原社趙百戶營原有一畝一在曹家營原有一畝一在徐家莊原有一畝一在崇本屯
于家泡原有一畝一在馬家峪原社趙百戶營原有一畝一在曹家營原有一畝一在徐家莊原有一畝一在崇本屯
里趙家塔頭莊一在學旺莊一在藍坨里一在米官營莊
按三官之稱見於後漢書劉焉傳註蓋謂上天官也其中元地官正七月十月水官各主錄
者善惡之說後謝氏文海披沙曰葛雍一修類稿各以木金水臆說傳會道藏謂三
官為周幽王諫臣一曰唐安沙曰葛雍一修類稿各以木金水臆說傳會道藏謂三
一卷宣和畫譜大歷中周叅謂起於南唐保大中奉上府馬當水中水府采石絕水
外又有水府三官留青日札謂起於南唐保大中奉上府馬當水中水府采石絕水
府金山皆有王號宋一加封爵祭
告又唐葛周三真君一作厲王臣
卑家店乃三百戶營舊村東有三元大帝廟創於明初後千戶百戶重修之
正殿三楹塑三官像大門一楹至清朝歷百年未修葺乾隆乙卯科邑舉人李
公對乾計其陞而擴之奎星樓文昌宮閣並八時計二層殿之前禪堂增其後
凡五層名曰延慶祠義塾為延名師課讀鄉子弟一八時計二層殿之前禪堂增其後
之一層名曰延慶祠義塾為延名師課讀鄉子弟一八時計二層殿之前禪堂增其後
額曰廣我教思額兵部左侍郎賢書者則題名於版前後共得數人郡守盧見曾題其
會汾題文昌宮額曰陰鷺下民

魯般廟 一在城西南暗牛 一在開平東關

海神廟 源在汀

雹神廟

三十畝

頃一在城南南會家灣一在豐腴屯社李莊連龍泉寺原各莊原有香火地一

按風雲雷雨皆祀以壇壝而雹未之及焉誠以重五日祀雹神又謂神為趙將李左車不知始於何時總之雹求其姓名以實之則繫矣

天仙廟

俗稱娘娘廟在巖山

昭惠王廟

康熙四十年建光緒二十三年重修初級小學校一在石各莊清

按二郎神有數說一云秦將李冰之子因鑿離堆渠灌田有功蜀人祀之呼為灌田二郎一云趙昱任隋為嘉州刺史後棄官不知所終會嘉州水漲蜀人見霧中乘白馬越流而過乃昱也因立廟塑像率衣黃挾彈擁獵犬蓋因蜀孟昶而誤宋藝祖平蜀問封為昭惠王今神廟塑像率衣黃挾彈擁獵犬蓋因蜀孟昶而誤宋藝祖平蜀其說見於朱子語錄常熟志及賢奕等書俗以此灌之謬謂二郎為楊戩蓋非也

崔府君廟

今廢在城西北

按神之以府君稱者有二一為崔府君名口字玉祁穀城人唐貞觀中為長子縣令多異政歿後為神肅宗至德間封靈聖護國侯武宗會昌間加封護國威勝公宋真宗加封護國西齊王高宗建炎元年賜廟額曰顯衛一為高府君名獲漢時人與嚴子陵有舊嘗至富春祈雨有驗邑人立廟祀之唐開元間高適作碑記其事

灤

縣

志

卷四 人民宗教寺觀

事

姜將軍廟

在城西百

按舊志云碑云將軍仕後唐清泰間鎮碣石之石門時有蛟為民害將軍斬之入懷其惠立廟祀焉此地自後唐天成初已屬契丹安得清泰間乃屬於唐乎此碑記之不可信也

玉皇廟

一在城南東今廢一在紫金山頂額云玉皇閣原有香火地一頃二十八

觀音廟

原在香地四十二畝原在香地二畝崔家莊北原有香火地十畝

赤口莊彭家塔頭社胡里莊原有一畝一在香地一在何家寨社曹莊大張家莊原有香火地二畝
三畝一在黃家疿社原有一畝一在香地一在何家寨社曹莊大張家莊原有香火地二畝
火地九畝一在獨三社生理莊原有香地一在香地一在何家寨社曹莊大張家莊原有香火地二畝
二地八畝一在柏三社交莊原有香地一在香地一在何家寨社曹莊大張家莊原有香火地二畝
三十一畝一在柏各莊原有香地一在香地一在何家寨社曹莊大張家莊原有香火地二畝
在柏一社柏各莊原有香地一在香地一在何家寨社曹莊大張家莊原有香火地二畝
莊屯夏官營原有香火地六畝一在長港社張家莊原有香火地二畝
在楊家莊原有香火地四畝一在長港社張家莊原有香火地二畝

南衛社獅子營原有香火地三十八畝一在興慶屯藍家莊原有香火地五畝一在餘莊
家道口原有香火地三十八畝一在興慶屯藍家莊原有香火地五畝一在餘莊
屯荆各莊原有香火地三十四畝一在南衛社遼各莊原有香火地十七畝一在
長春社胡家莊原有香火地十畝一在南衛社遼各莊原有香火地十七畝一在
橫山營社葛家坎原有香火地十畝一在南衛社遼各莊原有香火地十七畝一在
地四畝五分一在于家店

蠶姑廟 一在城南四十里麻地莊
一在城西六十里赤喉莊

按此即古禮之先蠶也
俗以四月八日祈蠶功

娘娘廟 一在南陽莊康熙五十年建一在連清社翟各莊原有香火地二十畝
一在榆子林扒齒港
一在司二社西蘭坨莊原有香火地二十畝
一在柏一社柏各莊原有香火地十二畝
一在軍

通天庵原有香火地八十畝一在康莊社塔頭莊一在柏一社柏各莊原有香火地十二畝
一在軍
地鎮一在長港社魏家莊原有香火地十畝一在扒齒港鎮杜家平坨內設初級小學校
一在張家狼窩一在扒齒港鎮杜家平坨內設初級小學校

天井峪廟 一在孩古社任家莊原有香火地一頃五十畝
一在廣布屯南場莊原有香火地一頃五十畝

三義廟 一在王一社龍王莊原有香火地三十三畝一在東缸窰
一在王五里屯原有香火地三十三畝一在東缸窰

總神廟 一在僑城社高廟莊原有香火地二十四畝
一在柏三社楊王莊原有香火地二十四畝

延福廟 一在狗兒社流河頭原有
有香火地四十五畝

藥 縣 志 卷四 人民宗教寺觀

窰神廟 一在義豐社東缸窰莊連真武廟三官廟原共有香火地一頃四十畝
一在周趙莊原有香火地六畝一在風淳屯竈戶莊原有香火地一頃四十畝

二聖廟 一在橋頭社四王莊原有香火地八畝一在僑城社高各莊
一在橋頭原有香火地八十二畝一在僑城社高各莊

三侯廟 主係吳惠澤葛全德周宏恩之位
在僑子鎮西門外神像之前有木

西福廟 有餘莊屯楊家口原
有香火地四十畝

三皇廟 俗稱藥王廟一在城北二里即紫金山八蜡廟故基正邊夢麟重修
一在馬城鎮一在胡各莊

按元史貞元年初命郡縣通祀三皇以醫師主之洪武四年令天下罷三皇以名
祀兩廡有司歲春秋二季行禮而以醫師主之洪武四年令天下罷三皇以名
分非民間所得祀且因民瀆以藥王非所以尊敬之也嘉靖間太醫院廟成以
貸季以下十人從祀東廡以華陀以下十四人從祀西廡清順治三年定每
春二月十八日為藥王生日致祭俗以四
昌黎人魏可簡三皇廟俗訛為藥王廟記云自惠民局廢後郡無良醫民多疾疫
賢愚貴賤一聽其死生者久矣明萬曆癸巳秋八月解梁劉太守下車見道有
者求醫而不可得乃謀祀藥王以為民佑環顧郡內諸山直走紫金山之麓而
其基首捐廉不俸倡建二守會公下皆相助焉遂卜吉農隙庶民子來閱兩月而
成廟制義農不加冕服于意醫聖張仲景良醫華陀太醫王叔和皇甫士安抱雷
公神應王扁鵲倉公淳于意醫聖張仲景良醫華陀太醫王叔和皇甫士安抱雷

子葛洪真人孫思邈藥王韋慈藏配享廟之外抱廈三間廈之外重門一座繚繞以周垣垣之南左為太守憇亭右為庖湑僧室遠近村落兒女儼如蜂衙蟻陣山下之每為四月二十四日藉城市擊鼓賽願祈靈彼往此來宵征夙駕者踵相繼也搭蓋戲棚兩傍開張店舖鳴鐘擊鼓賽願祈靈彼往此來宵征夙駕者踵相繼也而左闕灤河宛同襟帶回首城市烟火萬家洵摩詰不能繪其真長公不賦其妙也執事義民侯峻何等樂太守之樂而蓋賽神出於一念之誠以爲記夫義農黃帝首出御世萬家永賴何專以藥王名祠蓋賽神出於一念之誠以爲記夫義農黃帝皆祀也雷者無異也祭先齋衣帛而祭先蠶飲百草黃帝作內經輔相與夫祭門祭化奉爲鼻祖固其宜也伏義畫八卦神農嘗百草黃帝作內經輔相與夫祭門祭慎之又慎誠不取以人命爲兒戲耳今太守敬迓神庥爲民祈福疴瘵疾痛視如切身操是術者易可臨證而劉公諱仁而加虔無府解州人修廟之心與保赤之誠也可太守劉公諱仁而加虔無府解州人修廟

碧霞元君廟 在西關外明嘉靖二年重修清咸豐年間又在城西北二十二里佛

按碧霞元君爲宋眞宗所封以爲泰山之女後之文人以其說不經曲引黃帝遣玉女事以附會之不知當日所以受封固眞以爲泰山女也張華博物志云泰山望爲灌壇令期年風不鳴條文王夢見一婦人當道而哭問其故曰我東海泰山女嫁爲西海婦欲東歸灌壇令當吾道令有德吾不敢暴風過也明日文王召太公歸已而果有疾風暴雨去者又干寶搜神記載胡毋班爲泰山府君致書女壻事據此則封號雖自宋始而泰山女之說西晉前已有之矣

灤縣志 卷四 人民宗教寺觀

曹妃殿 在大莊河海中沙坨

八仙觀 在石佛口鎮

三教堂 一在柏三社孟家莊原有香火地四十八畝 一在南衛社衛各莊原有香火地十八畝

觀音堂 一在廣益屯毛家山連朝陽庵原有香火地一頃十七畝 一在宜安社七百戶原有香火地十二畝 一在柏二社榮各莊連馬神祠原共

有香火地十三畝 一在柏二社劉家崔各莊連望海寺原共有香火地十六畝

清泰院 在曹口社大艾家莊原有香火地七十畝

環溪古刹 在康莊社稅務莊連火神廟觀音廟原共有香火地四十五畝

紫竹林 在土兒社艾頭莊子原有香火地三畝

謹按近年寺廟有廢無興此次續修縣志迫於時日未能悉數調查茲據調查所得者均書其近狀餘則興廢莫悉仍錄舊志閱者諒之

道教 道士居觀爲方外通例灤境道士散居寺廟以廟產多歸學欸故近今止有餬口之田全境道士不過十餘人其功課略同浮屠氏又有龍門火居道

分駐開平南五里屯。茨榆坨。養馬莊。石佛口。陳家山頭等處。共五十人。

天主教。灤縣在前清初年。卽有奉天主教者。自唐山李楊余爲被禳母病而

進教。事在乾隆三十四年春。城南東營莊。柯儒望。陞授本地司鐸。事在道光十四年。邑民信奉者

漸多。惟附近無管轄機關。以故是時教民咸隸於北京主教。至光緒二十五年。

永平府設立主教傳教區。灤教民遂歸永平主教管轄。光緒二十六年以後。信

仰者益多。遂於灤境漸次設傳教分區六處。一在蔴灣坨。教民三千三百零五

名。一在崔新莊子。教民三千一百五十一名。一在唐山。教民二千六百一十七

名。私立培仁女子初高中。及附屬小學校一所。學生七百餘名。一在安各莊鎮。

教民三千六百八十三名。一在大安各莊。教民一千九百七十五名。一在暖泉

莊。教民一千五百一十六名。以上六處。教民共一萬六千二百四十七名。

耶蘇教。耶蘇教於清光緒十二年傳入灤境。近今信奉者共一千四百八十

六人。教堂十四處。在城內者。設於西街。設立匯文學校於西關。有國民高小初

灤縣志 卷四 人民 宗教

中各班。其在鄉鎮之堂教。亦均附設學校。各堂傳教。多在星期。或廟會市集日。

附舊志仙釋

金

玉川子。王姓。失其名。在州長甯店西建庵。尸解莫知所在。後有人於嶺南

見焉。

元

白雲子。王姓。失其名。初居州五山。因鮮卑金吾元帥。請住持長甯觀。闡元

教。至元二年。賜號廣德真人。

淨聰。乃東溟宋氏。幼削髮爲僧。遊清水興國寺。師藹公。頗多解悟。於是徧

歷叢林。探華嚴金剛奧旨。後於雲峯得訣始歸。構庵不出。至元乙卯入定。

諸沙門爲造浮圖。有月泉老衲。訪道清溪。爲聰作銘。後至明成化初。塔裂。啟之。止舍利二三存焉。

明

楊不語。州西人。性淳實。甘淡泊。寡言笑。幼出為僧。明初時。棲祥雲島古刹。嘗寂坐竟日。初不侈口講談。人呼為楊不語。亦未之奇也。後常見二虎來臥寺門。不語汲水飲之。虎馴不加害。始知有德行。至宣德間。百歲餘化。謹按州境有浮圖數處。一在長甯鎮延慶寺內。高十餘丈。一在巖山上。後廢。嘉道間重修。一在小山西庵方前。一在古冶鎮北天井峪。石幢一。在榛子鎮街中。今廢。皆金遼時建。馬城各廟中。有玉皇高八尺。天后高五尺。碧霞元君三。各高五尺。東嶽大帝高七尺。地藏菩薩高四尺。皆銅身。鐵獅二對。一高八尺五寸。一高三尺三寸。千斤鐘五口。大店莊廟中銅鐘一。常明庵中銅鐘一。皆稱古蹟云。

灤縣道院 附世界紅卍字會灤縣分會。

灤縣道院。成立於民國十五年。世界紅卍字會灤縣分會。亦同時成立。薛岳一

灤縣志 卷四 人民宗教

為會長。其主辦事務。為慈善與教育。慈善如救濟隊。收容所。設粥廠。施棉衣。捨棺施醫。卹嫠助賑等事。教育如設立卍慈完全小學校。當成立時。租用西街民房。至民國二十年。由該會會長薛岳一。購買地基。建置道院於灤城西北隅。卍字會暨卍慈小學校。即附設其中。一切建築。用款至鉅。均由薛岳一負責籌劃。

灤縣道院碑記云。道院何為而設也。所以導世界之光。明啟人民之愚昧。俾天生烝民。潛移默化。而悉納於軌物之中也。慨自世風不古。政教失綱。民德既離。災害併至。苟不設法補救。勢將敗壞。凌替無所底止。恐人類靡有孑遺。世界眾生亦淪於萬劫不復之地矣。岳一會長。有鑑於此。遂竭力創辦鞏固院基。以為界化災劫之功。用未幾。於丙寅。西月初。設於淑然第內。爾時。修方衆多。頗極一時之盛。嗣因公之提倡。荆於丙寅。西月初。設於淑然第內。爾時。修方衆多。頗極一時之盛。嗣因時勢變遷。夙靈岳一。而各職。修風流雲散。其能有百折不回。作中流砥柱。使道院卒抵於成者。岳一。而各職。修風流雲散。其能有百折不回。作中流砥柱。使道院北隅也。其始分築。南北兩院。計南北長四。十餘丈。東西寬五。十餘尺。即縣城內西地。基狹隘。遂購置舖房。兩所。計南北長四。十餘丈。東西寬五。十餘尺。即縣城內西而舊房多。不適用。乃遵母總。告成。是年。開會。於西朔。遷入。會。于壬申。二月。鳩工庀材。大興土木。不數月。厥功告成。是年。開會。於西朔。遷入。會。于壬申。二月。鳩工院神位。開慶祝。大典。普濟。一月。盛舉也。非岳一。熱心。毅力。靜滄泊。各院代表。均蒞會慶。祝賓。主一堂。踰。濟。一月。盛舉也。非岳一。熱心。毅力。靜滄泊。各院代表。均蒞是以。大書特書。一。人。任。之。而。常。年。所。辦。之。慈。善。經。費。每。年。必。須。數。千。元。亦。岳。一。經營。擘。畫。皆。岳。一。人。任。之。而。常。年。所。辦。之。慈。善。經。費。每。年。必。須。數。千。元。亦。岳。一。

兼籌如金井石措者良有任也壇訓以謂道院一以精神而許道偏也身家而辦慈其耿耿之忠誠
堅如金井石措者良有任也壇訓以謂道院一以精神而許道偏也身家而辦慈其耿耿之忠誠
之使謂履中也蹈和福善井作依天倚地堅固不傾者此道院正殿凡七楹左右
梁所謂三楹前二進三進為各一全學門七櫺七櫺為傳室四院之待室右為成地勢宏
配廳各院之園池亭榭又十餘歲訓善內勵綱常不辭謹述其梗概以流芳百禩
另啟內大有落落為女校樹木千章為齋房為宿舍為飯廳為厨又撰道院碑文自維
學問大謏不焯焯以當聖意然行慈善內勵綱常不辭謹述其梗概以流芳百禩
贊曰大謏不焯焯以當聖意然行慈善內勵綱常不辭謹述其梗概以流芳百禩
隆萬道惟我濼邑善所宏規大啓殿宇崇
濼縣道院始末濼縣分會其係屬中央區區成於民國十五年西湖同時成立
一世界紅字會濼縣分會其係屬中央區區成於民國十五年西湖同時成立
一記慈貧民善初小學於濼縣分會其係屬中央區區成於民國十五年西湖同時成立
十名至二年暑假續招新生一班學額四十名概不收學費仍招新生不收班費為濼縣
會五慈日全考小學校期二年畢業十名定章仍招新生不收班費為濼縣
及小所有課七班高小畢業五班矣
初上係育
屬教

濼縣志卷四 人民宗教

當查在十七年夏濼縣正當戰區兵連禍結受災如重而昌黎尤甚傷民傷兵分處
調是適值是年大饑會由四省慈善會募集賑糧四萬八千八百包預先存在濼縣
皆施放急賑遵訓當即施放各區賑糧四萬八千八百包預先存在濼縣
備施放急賑遵訓當即施放各區賑糧四萬八千八百包預先存在濼縣
九十三包偏涼汀區石佛口各莊區施放二萬九千六百包各莊施放
放九百包各莊施放二萬九千六百包各莊施放
百包各莊施放二萬九千六百包各莊施放
以零二包各莊施放二萬九千六百包各莊施放
計開昌黎七面施放各莊施放二萬九千六百包各莊施放
窪里施放七面施放各莊施放二萬九千六百包各莊施放
施放六包相公莊施放各莊施放二萬九千六百包各莊施放
十包石門莊施放各莊施放二萬九千六百包各莊施放
十一包劉家石門莊施放各莊施放二萬九千六百包各莊施放
八包劉家石門莊施放各莊施放二萬九千六百包各莊施放
放一百包各莊施放二萬九千六百包各莊施放
五十一包各莊施放二萬九千六百包各莊施放
三十包各莊施放二萬九千六百包各莊施放
重之區各村莊共施放三萬一千七百包
交龍千八百包除實放四千七百包
賑糧四萬八千八百包除實放四千七百包

一尊

撫茲二世舊珍藏。如對千秋俎豆光。啟迪後人猶在此。願修明德薦馨香。
岳一有三世珍
藏扇面故云。

濼縣女道德社 附世界婦女紅卍字會濼縣分會

濼縣女道德社。係民國十九年庚午三月初一日成立。匾額四字。懿範珩璜。同時成立世界婦女紅卍字會濼縣分會。訓派薛李珩慈為社長。兼婦女紅卍字會會長。其應盡職業與院會同。社址設岳一會長第內。

附濼縣美以美會 五十年記略

公歷一千八百八十五年。美國劉海蘭牧師。厚巴德牧師。來濼設立美以美會。孫九臯。王成培。宋義。諸先生。主持會務。翌年。經王慶雲牧師。立初等小學校。一處。此即我濼縣教會創立。鞏固悠久之宏基。興辦教育之初步也。嗣是潘禎牧師。設立高等學校。名曰成美館。王天祥牧師。繼任未久。而劉芳牧師。來充校長。學生日增。至高鳳山。校長繼任。教育益行發展。後竟合併於昌黎。濼縣教育停頓。經陳恒德。牧師。儲市房。為校舍。重行設立。改名為滙文。高等小學。因學生增多。乃租用西關之房。延孟德榮。牧師。為校長。及秦麗南君。議購房。而改築之。慨捐巨款者。乃王兆不能續租。乃與孟德榮。牧師。校長。及秦麗南君。議購房。而改築之。慨捐巨款者。乃王兆

濼

縣

志

卷四

人民宗教

三四

熙君暨其他諸同學也。泊乎石牧師來。充校長。王兆熙君。又倡捐漢文教員基金。添設工業科。是時南北兩院。有房一百二十間。地皮四十餘畝。然以軍事。頗仍款項不足。賴各地同學。關懷。校力資助。而王兆熙君。新章二君。及其他諸同學。倡立中學。所以於高小。外招中學。班業。經立案批准。學生共一百五十餘名。自今而後。如勸募萬元之基金也。設立圖書室。儀器室。及其中。興學之經。過並於興學之外。諒可達到目的。此為美以美會。濼縣教區。五十年中。興學之經。過並於興學之外。倡辦慈善事業。改良風俗。放賑救災。三十餘處。懿歟。盛哉。飲水思源。繫誰之力。追豐潤。及濼縣全境。各大小鎮。設教會。三十餘處。懿歟。盛哉。飲水思源。繫誰之力。追維本會中之最有勞績者。外籍之人。則王慶雲。牧師。而繼之者。則潘禎。陳恒德。吳白輔。德文。安思。諸牧師也。本國之人。則王慶雲。牧師。而繼之者。則潘禎。陳恒德。吳輝。山鄒。金鏡。石廷。棟。諸牧師也。考其提倡。良農。業。施藥。行醫。破除迷信。設立女校。是校名。列全。國。第一。又提倡。本地。工業。改良。農業。施藥。行醫。破除迷信。設立女校。是皆在人耳目。舉會務大端。略誌為記。

(七) 方言

編者按。土俗言語。由積年習慣所成。始而讀音流轉。稱謂殊異。久則通行一方。殊難矯正。或不詳來由。但覺鄙俚而不雅馴。然在境內無慮也。有時離鄉遠出。無意中發出土音。聽者或不解所謂。實為交際之障礙。近年鄉村教育。特重國音。即防此弊。舊志謂方言之殊。域於風土四聲。南人多入北音。祇有平上去。蓋入聲短促。北人尋常言語。音高而長。故於入聲不吐。然分之為四聲。約之止二。曰平曰仄而已。灤俗讀學若罵。學本仄也。音作平。讀而若爾。而本平也。音作仄。讀止平仄兩音。且顛倒互換。類此者不可殫述。案舊志所列舉者。今仍通行。故錄全文。并補充若干條。以備參考。非謂卽此可盡灤縣之方言也。乃述其稱謂之最普通者耳。

讀灤若蘭。

按遼史天贊二年始有灤州之名。前此皆作濡。濡灤字異音同。讀近難宜。合口呼蘭字則開口呼矣。乃土俗讀灤若蘭。直與甘肅之蘭州相混。

呼父曰爹。

俗讀的耶切。又稱為爸爸。按南史始興王憺。詔徵還朝。人歌之曰。始興王。人之爹。赴人急。如水火。何時復來哺。乳我爹之稱。始此。爹音舵上聲。母

灤縣

志 卷四

人民方言

二五

曰媽。

俗讀平聲。

祖曰爺爺。

即耶字。祖母曰奶奶。作嬾。

曾祖曰太爺。曾祖母曰太太。

叔父曰叔叔。叔讀若收。叔母曰孀子。

伯父曰大爹。又大大。大伯。皆伯之稱也。伯母曰伯孃。又稱大媽。

兄曰哥哥。兄之妻曰嫂子。

弟曰兄弟。弟之妻曰弟妹。

姊曰姐姐。妹曰妹子。

稱女曰閨女。曰姑娘。曰丫頭。女婢亦曰丫頭。

劉賓客寄贈小樊詩。前面丫頭。十二三。凡童稚乳名。無男女。字必雙。下一

字恆呼為頭。亦呼為子者。以上一字分別之。

稱妻父母曰丈人丈母。

妻之兄弟曰大舅小舅。

妻之姊妹曰大姨小姨。

妻兄弟之婦曰大妗小妗。

妻稱夫之父母不曰翁姑曰爹媽。

夫之兄弟亦稱哥哥兄弟外稱則謂之大伯子小叔子。

姑舅親皆冠以表字。

兩姨親皆冠以連字。

兩婿相見大者呼小者亦曰妹夫小者呼大者亦曰姐夫。

姊妹之子曰外甥女之子曰外孫。

稱母之父曰老爺母之母曰老老。媪字之轉音也。

妻稱夫之伯叔亦曰大大或大伯叔叔外稱則謂之大伯公公叔叔公公。

夫之伯母叔母亦曰大媽孀子外稱則謂之大媽婆婆孀婆婆。

稱天曰老天爺。

灤縣志 卷四 人民方言

稱客曰且。明史童謠云委鬼當頭坐茄花滿地生後應於魏忠賢客氏北方呼客為且且茄音相近或云陶潛歸去來辭悅親戚之情話且者戚之轉音也北方無入聲往往讀作上聲灤縣呼親戚曰且且頗近之。

稱叟曰老爺子媪曰老娘子。

傭工曰打頭的又曰夥計。

學生之子曰雙棒郎。

內詞曰咱們曰我們外詞曰你們曰他們。

詈人以小人藐之曰崽子。水經注娶童草女弱年崽子。

稱穩婆曰老娘女巫曰師婆。讀若破。

貧無聊賴者曰窮棒子行不正者曰尪子。尪蓋雅切俗書作生無此字。

惡語侵人曰得罪。言侮人而已得罪也。

一足行曰各郎跳曰蹇。蹇蒲孟切音烹去聲。物相似曰活脫曉事曰在行。音杭。爽利曰廉利。

兩不相涉曰犯不著無礙曰不相干。

恨人曰暮怨。見焦竑字學。今通作抱怨。

量物以五尺為度。音託。兩腕引長謂之度。俗作討音。數錢以五文為一花。凡花多五出。故云。今數皆曰。花錢。呼三曰薩。北史李興使梁武帝問其宗門多少。答曰。薩四十家。

不知而問曰廈。猶云甚麼。亦云。什麼。見字典。作廈。猶云作甚麼。咱者。猶云怎麼。謊語曰扯謔。

二木相擊為戲曰打箠。呼為打箠。有音無字。以同音之字代之。

釀錢作酒食曰打平夥。三字見四。友齋叢說。謂妄語曰吹。謂狡黠為奸。謂不慧曰傻。謂愚

魯曰笨。謂游嬉曰頑。宋陳造田家謠。小婦初嫁者當少寬。令伴阿姑頑過日。自注。房以嬉為頑。閒游曰逛。光去聲。玉篇。走也。以

時乞人財物曰打秋風。俗以自遠于求。曰打秋風。按七修類稿。米芾札中有抽豐字。即世俗秋風之義。一秋風當即抽豐之轉音。蓋彼處豐稔。

往抽分言語不通。相誚曰夸。苦瓦切。

不潔曰媮。不整曰邋。磊。崒曰累贅。利害曰寫嚇。讀若火。

驚遽聲曰嘍。按史記外戚世家。褚先生云。武帝下車泣曰。嘍。大姊何藏之深也。飾羽於錢。以足拋之為戲曰毬。毬本音建。見帝京景物略。謠曰。楊柳青。放空鐘。楊柳死。陽毬子。俗呼曰欠。物不良曰尫骨。人不順曰乖骨。言其惡在骨也。

灤縣志 卷四 人民方言

棉曰棉花。蝗子曰蝻。

以手頰人曰搯。擊人曰打。打本音頂。與撻同義。不同音。其義本為考擊。故人相毆皆謂之打。土音呼作撻。而字仍書作打。

補不足曰找。找本音華。與划同。正韻撥進船也。俗音爪。今作找。數找補等義。俱音爪。

補綻曰補釘。釘音頂。博雅補也。或借作頂。元楊瑀山居新話。頭繡上有補頂。可謂至貧。

女工作屨。用布裱紙作襯。曰圪泊。按武林故事。小經紀有賣圪泊紙者。

捲棉為筒。以紡者為拘節。又曰擦條。俗謂之布節。纏綫作緯。以織者曰縹。音歲。

以羽毛布帛去塵曰担。音亶。玉篇。拂也。

物乾枯而縮小曰癯。音別。按七修類稿。張士誠在姑蘇。專用黃敬夫。蔡彥文。葉得新。三人。民間作十七字詩云。丞相作事業。專用黃蔡葉。一夜

西風起。乾癯。今土俗困於事。困於財。困於文。統謂之乾癯。舊志。

名蟋蟀曰趨趨。草蟲曰蛄蛄。蟬曰吉了。蛙曰河墓。蛇曰長蟲。蜻蜒

曰麻郎。螳螂曰刀郎。螻蛄曰拉拉古。桑扈曰扈巴拉。蜥蜴曰蝎虎溜

子。河豚曰蠟頭棒子。

謂不知自愛者曰沒價錢。才小而自炫者曰半瓶醋。又曰滿瓶不搖半瓶搖。腦筋過敏者曰唧伶。貪婪者曰見錢眼開。受人愚弄曰上當。愚弄人者曰賺人。無才而妄冀者曰妄想爬高。無事自擾者曰找麻煩。事須考慮者曰犯故。毀譽人輕狂曰奸詐。譽人忠厚曰老實。事不可能曰不中。物不可意曰不强。物可人意曰不離。乳兒岐嶷者曰乖。兒童頑皮者曰柴。愛曰稀罕。甚詞曰推太之轉音也。拿物曰秋。上聲。取之轉音也。不知而妄為曰瞎帳。無理而強為者曰混帳。譏人闊綽曰抖。誚人出風頭曰露。讀如漏。臉。詈人失節操曰丟臉。稱無行之人曰下三亂。無事而過往鄰右者曰閒串門。出游邀伴侶曰打幫。閒談曰拉。上聲。科。語言無味曰扯淡。諂媚人者曰流虛。慕人勢利曰拔結。俗作巴結。詈人無賴曰泥腿。故暴人短者曰慙蠢人。心術不端者曰尫骨人。心術光明者曰正經人。乘機進取者曰出息人。暗地中傷曰折散。多人陰謀曰編筈。孤立無援。

灤縣志卷四 人民方言

日光杆。行無目的曰瞎趕獐。理不當為曰犯不上。人不老成曰不靠稍。物不堅牢曰不結實。人不爽利曰不快當。光棍曰耍人的。土匪曰混星子。土豪曰尫雜子。運氣不好曰倒竈。舉動不開展者曰眠姪。讀如緬忒。謂物翻騰曰撲楞。不整潔曰艱艱。累贅曰邏迤。物體由伸而縮曰雜雜。正午曰响火。私藏財物曰梯己。梯或作體。心思煩亂曰慶糟。做作虛僞曰搨搨。讀如拿捏。慫恿教唆曰攬掇。讀若安。器破未離曰裂豐。厭惡其人曰襲。音戈。盈。甚麼事曰厦勾當。怎讀如咱。上聲。著詢問之意。不咱著猶言無妨也。這可咱著猶言無可如何也。此處曰這裏亦曰這圪塔。彼處曰那裏亦曰那圪塔。罵人曰捲。褻語曰撒村。夜兒箇昨日也。候上晚上也。多攴多少時候也。突如其來曰冷不防。是人言曰可不。修理曰整整。右述為灤人通謂習稱者類此猶多不勝枚舉。

(八) 謠諺

編者按。無章曲曰謠。語淺俗曰諺。謠詞兒童喜歌之。好奇心使然也。諺語老人樂道之。閱歷有得也。謠諺雖俚。實蘊至意。採風問俗者。胥重視之。茲就灤地習聞者。選錄數十則。

雲彩往南。下雨沒房檐。雲彩往北。下雨發大水。雲彩往東。下雨必要晴。雲彩往西。下雨披蓑衣。灤境南鄰海。西北多山。凡雲從山海中出者多雨。由東出則否。

八月十五雲遮月。正月十五雪打燈。先年中秋雲遮月。次年元宵必落雪。

五月六月看老雲。七月八月看巧雲。夏雲厚。故曰老。秋雲薄。故曰巧。

早霞不出門。晚霞行千里。早霞必雨。晚霞多晴。

天河斜調角。家家忙小襖。初秋天河轉向西南。氣候漸涼。故婦女皆作禦冬之準備。

東虹日頭西虹雨。虹俗讀若絳。虹東出則晴。西出則雨。

先下牛毛沒有雨。後下牛毛沒有晴。牛毛謂細雨也。

灤縣志 卷四 人民謠諺

不怕初一下。就怕初二陰。初二陰天。則上半月多雨。

夏至東風搖。麥子水裏撈。冬夜長。天將明時。走十里不亮。夏日長。黃昏時。走十里不黑。

冬走十里不亮。夏走十里不黑。言至是時。可得透雨。

大旱不過五月十三。言至是時。可得透雨。

麥收三月雨。三月雨。最利於麥。

寒食麥子掛紙錢。清明時。麥苗長寸餘。故能掛燒紙。

一九二九。人在冰上走。三九四九。凍的不伸手。五九六九。沿河看柳。七九河開。八九雁來。九九加一九。遍地黃牛走。

有錢難買五月旱。六月連陰吃飽飯。六月多雨。秋收必豐。

春見春。四蹄貴如金。凡一年兩見立春。牲畜價必昂貴。

小雪封地。大雪封河。

四月以初旬雨。占麥豐歉。諺云。一二麥脚黃。三四落把穰。五六泥中割。七八麥

上場。又以三四日占風雨。諺云。月兒張弓。少雨多風。月兒仰瓦。不求自下。

立秋十天懶過河。灤境氣候較寒。是時水涼。不便於涉。

蕎麥開花熱死牛。八月間。日午猶暑也。

榆錢落。燕魚過。

糜黍上場。核桃半瓢。

麥收一响。杏收一時。麥杏將成熟。時變化極速。

七月十五棗紅圈。

大暑找黍。處暑十天亂割穀。

春梭夏鱗。白眼割穀。

六月六。看穀秀。時穀已秀。

頭伏蘿蔔二伏菜。三伏裏頭種蕎麥。

一到芒種。不可強種。已逾耕期。雖強種亦難成熟。

灤縣志 卷四 人民謠諺

立秋不出頭。割了喂老牛。稊子是時不秀。則無望矣。

七月十五張嘴。八月十五伸腿。指蚊。

莊稼老。不可誇。就怕六月二十八。俗謂是日落雨。秋則歉收。

一場秋雨一場寒。十場秋雨便穿綿。

臘七臘八。凍死鷄鴨。為一歲最寒期。

長蟲過道。大雨將落。蛇去則雨落。音同勞去聲。

不是一家人。不入一家門。家人性習。須大致相等。

家有千口。主事一人。謂一家之少長男婦。均須服從家長之命令。

為人不當家。不知柴米貴。為人不生子。不知父母恩。謂少不更事者。不知用度之艱難。未生子女者。不知親子

間之關係。

有柴有米好夫妻。無柴無米瞪眼鷄。言富有則夫妻易和。睦貧窮則難免反目。

好兒不用多。一個丁十個。

一千吊錢不娶妻。一百吊錢不置衣。

言只有此數。倘不能養家。口置衣服也。

有錢不買當莊鷄。有錢不娶活人妻。

鷄不出本村。必仍返舊窠。活人妻。多不貞潔。

家有賢妻。男兒不作橫事。

謂有賢妻勸導。丈夫不至惹禍。

不怕兒女晚。就怕壽命短。

小孩叫着長。窩瓜葫蘆吊着長。

傍山吃山。靠海吃海。

灤北境多山。以植樹謀生。南濱海。以漁為業。

十年河東。十年河西。

灤河時有變遷。故居民興滄桑之感。

家有千棵樹。無錢也算富。

謂植樹之利益。

養樹不養花。養鷄不養鴨。

花只供玩賞。鴨雖產卵而較少。故不如此。如養樹養鷄之合乎經濟原理也。

多年的老道熬成河。多年的媳婦熬成婆。

班頭下鄉。賽過帝王。

極言皂吏之可畏。

衙門口。向南開。要打官司拿錢來。

可為好訟者戒。

灤

縣

志

卷四

四一

只許州官放火。不許百姓張燈。

謂專制時代。官吏欺壓平民也。申言之。凡仗勢欺人者皆然。

冤死不告狀。窮死不做賊。

打官司費用極繁。理或不伸。作賊終落法網。

大堂上沒有種着高粱穀子。

謂與訟即須有錢。

糖瓜祭竈。家家媳婦都來到。今天不來。明天就不要。

凡女之出嫁者。無新舊。均須於臘月二十三日前歸。男家

青草沒驢蹄。拜年亦不遲。

謂距離較遠之戚友。每屆新歲。亦須臨存。惟不拘時期之早晚。

一到九月九。蘿蔔白菜不離口。病從何處有。

謂多食蔬類。則少疾病。

晚飯少吃一口。香甜一宿。

臨睡多食不易消化。故以少為適。

晚飯少吃一口。活到九十九。

言能常常如是。則可延年。

睡覺不蒙首。活到九十九。

睡不蒙首。免觸被中污濁氣。最合衛生之法。

早茶晚酒飯後烟。

謂須用之得當。

春懶秋凍。一輩子不生病。

春寒猶劇。棉衣不宜早脫。秋氣雖涼。亦須漸次添衣。

小葱蘸醬。越吃越胖。

謂蔬菜亦多滋養料。

高會好。高會好。先當褲子後當襖。俗謂押花會曰高會。高擱之轉音也。花會之流毒已詳見本志風俗章。讀此謠而益信。

抽大烟。窮的快。不是當當就是賣。

扎嗎啡。一身光。披著麻包當衣裳。近日青年染此毒者甚衆。每

爲人不作虧心事。那怕半夜鬼敲門。

出頭的椽子先爛。

各掃門前雪。不管他人瓦上霜。

管間事。落不是。以上三則均勸人安分守己不可多事。

是非只爲多開口。煩惱皆因強出頭。上句戒人多言。下句戒人好事。

有蟲子的棗兒先紅。好取巧的人先窮。天地之間物各有主。計取人之財物爲已有者。理難久享。

天下老鴿一般黑。那家煙囪不冒煙。謂凡事皆然。家如是。

吃不窮。穿不窮。打算不到才受窮。謂用財須預算。

家裏打車。外頭合轍。謂人作事須順應潮流環境。

灤縣志 卷四 人民謠諺

窮是饑懶。富是勤儉。

莊稼老。生的怪。賤賣貴不賣。農產物待價而沽。每至不能再存留時始肯出售。

衙門錢。一溜烟。買賣錢。六十年。莊稼錢。萬萬年。謂得之易者失亦易。得之難者失亦難。

老天不滅大傻瓜。天相撲實人。

倒風的竈火。不說理的老婆。謂無法制止不可理喻。

不怕慢。就怕站。無論行路作事皆忌中輟。

大水冲了龍王廟。一家人不認一家人。斥同族而不互助者。

從小看大。三歲知老。看幼年之行動即可斷定將來之成就。

傍着勤的。沒有懶的。傍着費的。沒有儉的。環境習染。最有關係。

不經一頭。不長一志。言人非受刺激不能長志氣。

不聽老人言。吃虧在眼前。謂少不更事者須聽老成人之勸戒。

在家敬父母。何必遠燒香。謂人當孝順父母。不可迷信神佛。

在家不敬人。出外沒人敬。

野鳥近齋。無事不來。俗以野鳥飛入人家為不祥。

有錢難買回頭看。臨行回視。可免去後之追悔。

半夜燒錢帖子。受窮等不到天亮。謂揮霍無度者。乃自速其窮困。

猴兒嘴裏吐不出酸棗來。染房裏退不出白布來。上句指錢物。已為貪婪者得去。即不能再返。下句謂事已成。就。不能更易。可見用財作事。均須慎始。

成就不能更易。可見用財作事。均須慎始。

人要三穩。口穩手穩脚穩。商界恒以此訓練學徒。

官打民不差。父打子不差。先生打學生不差。謂須服從尊長之命令。即因過受罰。亦不當視為恥羞。

好驢兒不吃回頭草。好女不穿賠嫁衣。謂須自立。不可依賴。

丫頭媽起來吧。場裏穀子也該搯。地裏棉花也該抓。農婦在秋間。須助男

日頭沒。紅眼過。過給那。過給驢子馬。兒童害目疾者。每歌是祝之使愈。

麻郎麻郎過河來。東邊打鼓。西邊打鑼來。夏秋雨過天晴。蜻蜓（俗謂之麻郎）飛翔空際。撲食蠶蟲。兒童見之。則歌此。

灤縣志 卷四 人民謠諺

樂以行

狼來了。虎來了。小貓跳牆咬來了。哄着孩子睡覺了。催兒童眠睡時。則唱此歌。

東洋車好買賣。大爺拉着大奶奶。人力車初入境時。兒童好唱此歌。

老扁老扁簸簸箕。簸了粳米簸糯米。俗以長身螞蚱曰老扁。兒童捕獲。執其長腿。則躍躍欲驚。形類簸揚。故作此歌。

(九) 戲劇

編者按。戲劇之設。所以供人民娛樂。演述往事。藉寓勸懲。乃昇平時代之點綴。爲研究社會教育者。所不當忽視者也。灤境昔無劇館。近數年來。唐山趙各莊偏涼汀等處。爲謀市面之繁榮。先後設有長期之劇館。惟所演之劇。多無足觀。茲就我灤今昔所有之戲劇。分述如左。

影戲 用薄片透明之驢皮。雕成人物等形。夜間於臺上架紙窗。借燈光照映。遠視之。意態生動。惟妙惟肖。故謂之影戲。戲本多長篇。傳述古代忠孝節義等事。頗有益於風俗。惟中多迷信之齣。清季曾設有影劇改良社。惜改者無多。故近今所演。仍不免迷信等事。然與他劇相較。則益多而害少。每演三夜或四夜。爲一臺。每臺價昂者須四五十元。至百元。少者十數元。至五六元不等。於人家還願或喜慶時用之。亦有歲時豐寧。鄉村釀資開演。以資娛樂者。

蓮花落 蓮花落。原名蓮花樂。俗謂之蹦蹦戲。昔時丐者沿街乞討之歌曲也。

灤

縣

志

卷四

人民戲劇

四四

嗣後日益發展。居然登臺。惟奏曲作態。俗鄙不堪。誠足以傷風敗化。然市井游閒之輩。熱烈歡迎。顧曲者肩摩踵接。爭先恐後。殆所謂下里巴人。國中屬而和者數千人歟。嘻。可以覘世風之升降矣。近且有藉營副業者。假售票以廣播押花會之號單。愚而貪者。趨之若鶩。花會之害。詳見本志風俗章。是亟宜取締者也。

崑弋皮簧梆子 崑弋。又曰崑高腔。調高辭雅。惜不通俗。顧曲者寥若晨星。殆所謂白雪陽春。曲高寡和歟。曩年廟會。多演此酬神。今絕響矣。皮簧。俗曰二簧。調雖不俗。而在灤唱者極劣。每與梆子合班分演。觀者不感興趣。梆子卽梆子腔。調近俗俚。頗受民衆歡迎。昔年廟會。或富家喜慶。多演此。然費用極繁。每演四日。需二三百元。近年來四方多難。城鄉經濟拮据。不復昔日絃歌之盛矣。新劇 學軍兩界。遇紀念日。或演新劇。多有可觀。惟紀念日每不值農隙。故觀衆率城市各界。鄉農無幾人也。

